

WANTOK

NIUSPEPA BILONG OL PAPUA NIUGINI STRET


36 pes

Namba 1066

Wik i stat long Fonde, Disemba 1, 1994.

40 toea

Gavman bai skruim skul fi sabsidi long 1995 skul yia



Kukim lemfleps na kaukau • Isten Hailans

kapitel Atoriti na ol bikman bilong helt long provins i tambuin pinis ol pipel long kukim kalkal na salim arere long ol rot rot o long make ples. Bikos ol i no save kukim gut kalkal. Na dispela i ken mekim ol manmeri i balm i kisim sik tafold. Tasol dispela lapun meri i salim yet dispela lapun meri i salim yet dispela feveret kalkal. Bikos dispela em i wanpela isi rot tasol bilong em long kisim mani. Em i fraim lem fleps wantaim kaukau long Sokosol maket, Goroka. Foto: Sape Metta.

JOE KANEKANE i raitim

LAS mun nesenel gavman i tokaut olsem bai nogat fri edukesen o skul long neks yia. Tasol Paim Minista Sir Julius Chan i tok bai gat fri skul yet long neks yia. Dispela i min olsem bai gat skul fi sabsidi. Namba wan toksave i kam aut long maus bilong Deputi Paim Minista na Fainens minista, Chris Haiveta, na Edukesen Minista, Joseph Onguglo. Tupela i tok gavman i bungim hevi long mani. Olsem na dispela polisi em olpela gavman bilong Paias Wingti i kamapim bai no inap go het.

Tasol Sir Julius Chan i makim pinis k113 milien i go long skul fi

sabsidi fi bilong 1995, 1996 na 1997 skul yia.

Long 1995 skul yia, gavman i makim long givim K94 milien long Edukesen dipatmen long 1995. Na K35 milien bilong dispela mani bai Edukesen dipatmen i yusim long baim skul fi sabsidi tasol bilong ol pikinini.

Tasol Edukesen dipatmen i mas tingting long yusim tupela rot, long karimaut gut wok bilong em long neks yia.

Bikpela hap mani bai go long skul fi sabsidi. Dispela i min olsem Dipatmen bai gat liklik mani tasol long karimaut ol sampela senis long edukesen sistem, em olpela gavman i bin kamapim. Na Chan/Haiveta gavman i promis long skruim i go het.

Namba wan rot dipatmen i ken

bihainim em long go isi isi long polisi bilong ol senis long edukesen sistem olsem bilong ol top ap skul i kisim gred 7 wantaim 8 na 11 na 12. Narapela rot em long kisim moa mani i kam long ol helpim bodi long ovasis.

Edukesen na Kalsa minista, John Onglugo i no amamas tumas long dispela skul fi sabsidi skim wantaim toktok o aidia bilong fri skul.

Las wik em i tok dispela aidia bilong fri skul i mekim ol papamama i les long wokhat long bungim mani. Ol pikinini tu i no wari long beukim het long skul gut. Mekim na ol pikinini i no kisim gutpela mak long skul.

Minista i promis long sapotim ol senis long edukesen wok we i ken kamapim ol top studen long kantri.

Ol papagraun laik stapim timba wok long Angoram Turubu eria

GODFRIED YASSAFAR i raitim

OL pipel bilong ples Wandumin, Wau na Ipap long Turubu eria long hap bilong Is Sepik provins i gat bikpela tingting nau long stapim wok bilong katim diwai long Angoram/Turubu eria.

Dispela eria i stap long Is Sepik provins.

Wok bilong katim diwai long Angoram/Turubu eria i kam aninit long Lwa Sepik Lokol Fores Eria (LSLFA). Na wanpela kampani nem

bilong en Sepik Riva Developmen Koporesen (SRDC) i kisim wanpela timba kampani bilong Saina long karimaut wok bilong katim timba. Nem bilong dispela kampani ya em Highbridge Kampani. Long kisim tingting na toktok bilong olgeta papagraun, ol pipel bilong dispela tripela ples i holim wanpela miting long dispela tik Trinde. Astingting bilong holim dispela

miting em long kamap wantaim wanpela tokorait long putim kamap wanpela protes mas. Bikos long luksave bilong ol, SRDC i no bihainim stretpela rot long paitim toktok wantaim olgeta papagraun bilong eria we wok bilong katim timba i kamap.

Wanpela arapela astingting na ol pipel bilong dispela tripela ples i laik holim protes mas bikos wok bilong katim timba bai bagarapim wanpela wail laip eria i stap long hap bilong ol. Delopla

kampani wokim bris namel nambis klostu long dispela wail laip eria. Na tu i yusim graun we dispela wail laip eria i stap long en long wokim rot i go long bris.

Ripot Wantok Niuspepa i kisim long Wewak i tok olsem i gat hevi o komplek i stap namel long ol papagraun bilong ples Samap na Kaup. Hevi ya em long husat tru i papa long dispela hap graun dispela wail laip eria i stap long en.

I gat luksave i stap i go moa long pes 3

SEIVIM! SEIVIM! SEIVIM!



Air Niugini

Spesel Offa  *Spesel Prais*



TOYOTA

RINIM 229441 TONY YOUNGNAME-SELS MANEJA
RINIM 229405 JOE KOMBUK-SELS SUPAVAISA
RINIM 229400 OL SELSMAN
FAX 213703 PO BOX 74 PORT MORESBY.

Ela Motors

PORT MORESBY
TASOL

FRI
TRIP BILONG
TUPELA LONG
CAIRNS

Plis RIPOT



MOSBI: Long las wiken, plis long Mmobsi i holim pasim 33 pipel. Fiftin (15) em long ol liklik rong ol i mekim na 55 long brukim trafik lo. Long wankain taim tu, wanpela bikpela eksiden i bin kamap. Ripot long wanpela birua long bagarapim meri tu i kamap.

• Wanpela meri indai bihain long bagarap em i kisim taim wanpela trak i krugutim em.

Birua ya i kamap long dispela wik Mande, Novemba 28. Plis i ripot olsem draiva bilong trak em i spit draiv taim na kamapim birua long Moale gabuna rot we meri i dai long en. Plis i tok trak i abrus na ron long sait bilong rot na kilim dai dispela meri. Draiva i bilong ples Lealea insait long Sentrel provins. Plis i holim pasim na sasim em long draiv nogut na kilim dai meri.

• Plis i ripotim tu tripela asua long hensapim narapela man long wokim stilpasin. Ol i kisim bek tu wanpela ka we ol lain nogut i stilim na lusim i stap. Plis i holim pasim wanpela manki husat ol i bilip olsem wanpela yunivesiti sumatin bilong Is Sepik provins long dispela asua.

• Plis i wok long go hetim wanpela wok painimaut we sampela lain nogut i hensapim wanpela man Malesia na stilim K500 long em. Pasitaim long ol i stilim mani long en, ol i sutim em tripela taim wantaim naip.
Long nau i go inap Krismas, plis bai i go hetim rotblok long lukim olsem wokabaut long taim bilong krismas i go gut tasol.

• Plis i holim pasim na sasim tupela man long ol i rong long gat smuk nogut ol i kolim long mariwana wantaim ol. Long narapela asua tu, wanpela meri i kotim man bilong em long wokim pasin bilong salim mariwana. Bihain long ol i kisim dispela ripot, plis i go long haus bilong tupela marit na holim pasim man. Ol painim na kisim long em tupela plastik kontena bilong mariwana. Na ol i sasim em.

KIMBE: Sikspela plisman i kamap long ai bilong Kimbe Distrik Kot long kamapim pait taim ol i spak nogut. Dispela em long las wik Trinde, Novemba 23.

Ekting Plis Komisina, Bob Nenta i tokaut olsem tripela long ol i tokaut olsem em i tru ol i mekim dispela rong. Na kot i sasim K200 long wan wan long ol. Kot i putim ol long 12-pela mun gut bihevia bon. Dispela i min olsem ol noken mas wokim wanpela rong o dring spak insait long taim kot i makim. Bikos ol bai kisim bikpela mekim save sapos ol i brukim. Kot bai i harim yet asua bilong arapela tripela plisman husat i tok ol i no wokim rong.

Mista Nenta i tok ol plisman ya i bin stap long wanpela pait long Buluma Plis Stesen we ol spak plisman i pait namel long ol yet wantaim ol tamiok samting.

Em i no wanel tru wantaim kain bikhet pasin long sampela plisman husat i stap long lukautim lo na oda: Na kain pasin ol i wokim i daunim tru poin bilong ol. Olsem na kot bai ino isi long givim bikpela mekimsave long ol loman husat i spak na kamapim ol bagarap. Na givim nem nogut long Plis Fos.

2,000 pipel nau long Arawa kea senta

LONG las wik, moa long tu tausen pipel i kamap long Arawa kea senta. Dispela em ol pipel bilong ol ples we ol strongpela BRA lain i bosim. Em long Kongara namba wan na tu, Panguna na Koromira eria.

Ol pipel i kamap long senta i gat long en ol BRA na ol manmeri na pikinini nating.

Wanpela mausman long Bogenvil i tokim *Wantok* olsem bihainim ol tingting bilong Theodore Miriung wantaim ol sief, ol bikman bilong ples, sios, ol

meri na sampela ol BRA komanda bilong Sentrel Bogenvil, olgeta lain i wok bung wantaim long kamapim gutpela sindaun long hap bilong ol. Na tu long olgeta hap bilong Bogenvil.

Sispela yia i longpela taim long ol pipel i stap long tupela sait wantaim long karim bikpela hevi, pen na dai. Olsem nau ol pipel i luksave long dispela samting na ol i laikim tasol gutpela sindaun i kam bek gen long ol wan wan ples bilong ol, mausman i tok. Na ol i wok hat tru long

kamapimkaikai long dispela samting.

Em i tok tu olsem planti pipel long Bogenvil i gat strongpela tingting olsem ausait sapot we ol i kisim long ol lain olsem Rosemarie Gillespie, Mike Forster na ol arapela sapota bilong ol i mekim na hevi long Bogenvil i go het yet.

Mausman i tok tu olsem ol atoriti i strongim ol pipel long go sindaun long ol liklik ples bilong ol. Bikos long dispela we, ol bai ino inap bungim hevi long kaikai olsem ol lain husat nau i stap

long ol kea senta i bungim.

Long nau tu, ol pipel long ol ples klostu long nambis, stat yet long Aropa i kam antap olsem long Sirovai, Tavidua, Pokpok, Pidia, Kobuan, Kuka, Kerei na Arawa i bungim hevi wantaim kaikai, klos na ples long slip long en. Dispela em bikos ol bin go hait long ol maunten na wokim haus na gaden kaikai bilong ol long hap. Na ol BRA na sekyuriti fos lain wantaim i kukim na bagarapim ol haus wantaim olgeta samting bilong ol.

Ol lain bilong bikples i sot long ol klos na ples long slip long em. Bikos long hevi wantaim mani we gavman i bungim long dispela taim, ol atoriti long ailan i wari long hau tru ol bai lukautim ol pipel wantaim kaikai, klos, ples long slip long en na marasin.

Tasol maski long ol dispela hevi na ol arapela moa i stap, ol pipel long sentrel Bogenvil i wok strong moa yet long bringim gutpela sindaun i go long distrik bilong ol. Na tu, long olgeta hap bilong ailan.

Ol pablik sevan long Arawa bai potnait long neks wik

PETER KASIA i raitim

OL pablik sevan long Not Solomons bai i kisim potnait pe bilong ol neks wik, bihain long ol i no kisim pe long wanpela mun.

Hevi ya i kamap bikos long nau, gavman i sot long mani. Tasol bihain long wanpela haipawa delegesen bilong Bogenvil i kam long Mosbi na paitim toktok wantaim nesanel gavman, Nesanel Eksekutiv Kaunsil (NEC) i apruvim K1,500 tausen milien bilong Not Solomons gavman.

Wan milien kina em long kirapim na go hetim wok bilong nupela gavman ol i kolim long trensisenel gavman. Na narapela K500 tausen em i bilong go hetim ol restoresen progrem.

Wanpela mausman long Not Solomons edministresen long Buka i tokim *Wantok* olsem edministresen i kisim pinis mani long peim ol wokman. Long nau, akauns seksen i wok long stretim pe long moa long 600 pablik sevan long provins husat ino kisim pe bilong ol long las tupela potnait. Em i tok tu olsem bikos long hevi bilong mani we gavman i gat nau, edministresen i stat long pinisim sampela wokman. Dispela em ol non isensel staf bilong ol non isensel divisen.

Orait, long las wik Fraide, ol bikman bilong Bogenvil we i karamapim ol siaman bilong eitpela interim atoriti long Bogenvil, edministreta Sam Tulo na sampela sinia opisa bilong em i sindaun paitim toktok wantaim Praisin Minista Sir Julius Chan na ol arapela bikman long gavman. Long dispela taim tu, ol i sainim wanpela bikpela agrimen ol i kolim long Mirigini Agrimen.

Long dispela, Sir Julius i tok em i wanpela bikpela samting tru we nesanel gavman na ol Bogenvil lida i lukluk na glasim ol promis ol i mekim pinis long Bogenvil pis konprens. Em long go hetim ol toktok long gutpela sindaun i kamap bek long Bogenvil.

Bogenvil no inap kamap wanpela kantri

VERONICA HATUTASI i raitim

BOGENVIL i no inap kamap wanpela kantri em yet.

Dispela em i tingting bilong Theodore Miriung, man husat i bin loya bilong ol lidaman bilong Bogenvil Revoluseneri Ami long Panguna inap long em i lusim ol tupela mun i go pinis.

Mista Miriung i autim tingting bilong em long wanpela bung bilong ol lain Sentrel Bogenvil long Mosbi las wiken. Bikman ya i bin kam long Mosbi wantaim wanpela delegesen bilong Bogenvil we i gat long em ol siaman bilong ol interim atoriti na ol arapela bikman long Not Solomons edministresen. Long wanpela wik stap bilong

ol long Mosbi, ol paitim toktok wantaim nesanel gavman long traim kisim bek provinsal gavman bilong ol. Na ol arapela samting we i karamapim provins na ol pipel.

Wanpela mausman i tokim *Wantok* Niuspepa olsem Mista Miriung i tok "Bogenvil ino inap bruk lusim PNG. Tasol mipela i laikim gutpela dil long ailan na ol pipel bilong mipela, wantaim Bogenvil i stap yet olsem hap long PNG. Mipela i laim gutpela dil bikos mipela ino laikim olsem pait bilong mipela i lus nating. Olsem na bikpela laik bilong mipela long PNG i givim mipela wanpela gutpela dil i mas karim

kaikai."

Na Mista Miriung i gat ful sapot long ol BRA komanda bilong Sentrel Bogenvil. Tasol ino long ol dispela lain komanda husat i stap long Panguna wantaim ol lidaman olsem Ona, Kabui, Miriori na ol wanlain bilong ol. Dispela ol strongpela BRA i no laik autim tingting bilong ol bihain long strongpela toktok bilong Praisin Minista Sir Julius Chan long kalabusim ol BRA lida sapos ol i holim ol.


Mista Miriung i tok tupela grup wantaim i wok long pait long wankain samting. Em long gutpela dil long Bogenvil na pipel bilong em. Rot tasol we ol i bihainim i no wankain.

Mista Miriung i bilip strong tu olsem ol hatko BRA bai i strong yet long pait bilong ol.

Na i hat long tanim tingting bilong ol. Tasol long wankain taim tu, em i bilip olsem Ona, Kabui, Kauona, Miriori na ol wanlain bilong ol bai i lusim sapot taim ol sapota bilong ol i lusim ol isi isi.

Asua ol i mekim pinis em long ol ino kamap long Arawa Pis Konprens i wanpela as long ol i lusim sapot, Mista Miriung i tok. Sapos Kabui na husat moa long ol i bin kam long konprens na autim stret ol strongpela tingting, wari na laik bilong ol, ol pipel i ken lukim, skelim na givim sapot bilong ol.

Em i tok tu olsem ol liklik lain BRA na ol komanda bai i sapotim ol dispela lida yet. Bikos ol i promis pinis long sapotim ol na pait long Bogenvil i bruk lusim PNG.



Amamasim kalsarel de - Ol dispela lain i bin kamap long Bugandl Hai skul long Morobe las wik Sarere long amamasim Kalsarel De. Planti manmeri wantaim pikinini i bin kamap long skul na amamasim ol yet wantaim kainkain pilal na singsing tumbuna.

All departments
Phone: 25-2500
Fax: 25-2579

WANTOK
Published Weekly, Thursdays, for
Word Publishing Co Pty Ltd

Regional office:
Suite 7, Haus Tisa, Second Street, Lae PO
Box 1726 Lae, Morobe Province
Phone/fax: 42-0011

District Manager: Zeph Angai
Papers distributed by air throughout PNG.
Available by airmail subscription within
Papua New Guinea and overseas.
Australia & New Zealand Representatives:
Tonkin Media Pty Ltd
PO Box 101 Avoca Beach NSW 2251 Aust
Sydney, James Tonkin, (043) 85 1746
Melbourne, Glen Smith, (03) 807 2311

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hihola, for Word Publishing Co Pty Ltd
General Manager: Ian Fry
Company Secretary: Vince Ohlinger SVD
Group Editor in Chief: Anna Solomon
Editor of *Wantok*: Leo Wahua
Advertising Manager: Peter Kalso
Advertising deadlines
Display bookings: Monday, midday
Camera ready copy: Tuesday, midday
Classified advertising: Wednesday 2 pm

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Tim sekim asua long fores ekt

FORES Ekt i no kamapim gutpela wok. Bikos i nogat ol gutpela nesanel na provinsal forestri plan. Na tu i nogat ol operesenel regulesen (lo) olsem lisensing provisen. Na tu ol samting i kam aninit long revenu sistem.

Bikos long dispela na tu ol arapela asua, ol timba kampani no bihainim lo long karimaut wok bilong katim diwai long gutpela na stretpela rot. Stretpela rot we bai no inap bagarapim bus, graun na laipstail bilong ol pipel. Rivyu Tim bilong Nesanel Forest na Konsevesen Eksen Progrem (NFCAP) i tokaut long dispela samting.


Rivyu Tim bilong NFCAP i tokaut long dispela hevi bihain long ol memba bilong tim i go raun na paitim toktok na holim miting wantaim ol Non-Gavman oganaisesen, papa-graun, Fores Industri, mausman bilong ol lenona asosiesen na kampani, Enviromen na Konsevesen dipatmen, Agrikalsa na Laipstok dipatmen, Fores Atoriti, Konstitusenel Rivyu Komiti, Nesanel Rises Institut, Yunivesiti bilong Teknoloji long Lae na Yunivesiti bilong Papua Niugini long Mosbi.

Wanpela memba bilong dispela Rivyu Tim bilong NFCAP, John Millet i tokaut olsem tingting bilong putim kamap ol bikpela fektori insait long kantri we i stap long nupela forestri gaidlain, i no bihainim revenu sistem.

Dispela em long wanem, Mista Millet i tok, gavman i no skelim na glasim gut ol samting. Na bihain putim dispela tingting i go insait long gaidlain. Mista Millet i tok long lukim olsem Forestri Ekt i kamapim gutpela wok, Fores dipatmen i mas kamapim ol nesanel na provinsal fores plan, putim kamap ol regulesen (lo), toktok wantaim ol timba kampani na givim ol longpela taim long katim diwai insait long wanpela eria, tokim dispela Swiss kampani SGS long go insait long bus long sekim wok bilong ol timba kampani, statim sistem bilong pefomens bon/fi.

Rivyu Tim bilong NFCAP i askim tu, Fores dipatmen long paitim toktok wantaim ol timba kampani. Na askim ol long kirapim ol bikpela fektori long wokim ol timba na tu ol arapela samting long salim insait long kantri. Arapela samting i olsem Fores dipatmen o gavman i mas putim lo o tambu long ol kampani long salim ol diwai go long o ovasis kantri.

Ol soldia wetim pinis mani yet



OL olupela soldia bilong Papua Niugini ami long Lae i bung long las wik, na askim gavman long tokaut long wanem taim bai ol i givim pe bilong 334 olupela soldia ya. Wanpela olupela ami, Peter Bimari i tokaut long miting ya olsem em i no amamas long sampela lain ami i kisim moni bilong ol na planti arapela i no gat yet. Bikos dispela inap kamapim moa hevi long ol arapela husat i no kisim pinis pe bilong ol yet. Kemeaken Loya i sanap makim ol dispela olupela soldia ya long winim kot na kisim pinis pe moni bilong ol.

Yunien bai lukluk long sefti

SEFTI na pasin bilong stapim ol eksjiden i stap olsem top ajenda long wanpela kos we ol watafran yunien na manesa bai sindaun long em long dispela mun. Employas Federesen bilong Papua Niugini (EFPNG) i go pas long tripela de woksop we bai i stat long Disemba 12 na pinis long 14. Intenesenel Leba Oge-

naisesen i sponserim kos ya. Kos ya bai i kamap long tupela senta. Em long Lae na Mosbi. Wanpela mausman bilong EFPNG, Max Kep i amamas long ol i askim ol lain yunien long sindaun long dispela kos. "Sefti bilong ol wokman husat i dil wantaim ol hevi na denjeres kago long bris i wanpela bikpela

samting we yumi mas lukluk strong long em. Planti kampani ino ting sefti long ol wokman bilong ol i impoten. Tasol long wok bilong stividing na long bris, sefti i afektim laip na wok bilong ol wokman. Olsem tasol em i gutpela long ol stividing lain, ol bos bilong ol na ol arapela watafran woka i sindaun long kos.

Posai laikim 5-pela memba bodi long senisim fores bod

GODFRIED YASSAFAR i raitim

TAIM nupela Fores minista long Chan/Haiveta gavman, Andrew Posai i kisim opis, em i wokim tupela bikpela tokorait insait long forestri sekta. Namba wan tokorait Mista Posai wokim, em i tokaut olsem em bai pinis sistem bilong Timba Saplai Eria (TSA). Em i luksave olsem TSA sistem i egensim o bagarapim laik na tingting bilong ol risos ona. Bikos gavman i wokim disisen long developim risoses na wok bilong tilim o

skelim gavman i kisim long wok bilong katim timba na salim. Namba tu disisen, Fores Mista Posai tokaut olsem em bai rausim Menesing Dairekta bilong Forest Atoriti Jean Kekedo. Mis Kekedo i risain pinis. Forestri sekta bilong ol Non-Gavman Oganaisesen insait long kantri (NANGO-PNG) i luksave olsem Minista Posai bai go het na wokim sampela arapela bikpela disisen. Wanpela toksave pepa

representativ/speselis bilong Nango-PNG long Nesanel Eksen Progrem (NFCAP) i salim i go aut long ol memba oganaisesen bilong Nango-PNG i soim olsem Mista Posai gat tingting long wokim tripela moa bikpela disisen. Namba wan samting Minista Posai gat tingting long wokim, dispela toksave pepa i tok, em i gat tingting long rausim Nesanel Fores Bod. Na putim kamap wanpela 5-memba bodi we bai gat 5-pela nesanel konsalten long 5-pela rijon. Dispela

bodi bai ripot i go stret long minista. Dispela i min olsem em bai rausim olgeta memba bilong Nesanel Fores Bod. Long nau yet, dispela toksave pepa i tok, i nogat wanpela man i save husat dispela 5-pela nesanel konsalten Mista Posai bai makim. Namba tu samting Mista Posai tokaut olsem em i no laikim dispela Swiss kampani SGS olupela gavman i kisim long makim gavman long lukautim wok bilong salim diwai go long ol ovasis kantri. Em i tok Nesanel Fores i go moa long pes 5

Ol pipel laik pasim timba wok

i kam long pes 1

olsem dispela tingting bilong dispela tripela ples long stopim wok bilong katim timba i no nupela. Dispela tingting i stat taim wok bilong katim timba i stat sampela mun i go pinis.

aninit long sistem bilong Lokol Fores Eria. Na ol papagraun na papagraun kampani gat rait long toktok na stretim ol samting na kisim developa kampani long katim timba long eria bilong ol.

Long miting ol papa-graun bilong tripela ples ya bai askim ol forestri opisa sapos SRDC i bin paitim toktok wantaim olgeta papagraun na Provinsal Fores Menesmen Komiti. Na kisim tokorait bilong ol long karim aut wok bilong katim timba. Ol bai paitim toktok tu long wanem rot ol bai bihainim long holim protes mas na tu kisim hevi go long kot sapos ol i pasim tingting long stretim hevi long kot.

Dispela opisa i tok SRDC i yusim agrimen bilong olupela developa kampani, Mosko Lamba long kisim developa kampani, Highbridge long katim timba.

Wanpela opisa long Is Sepik provinsal forestri opis i tokaut olsem dispela hevi no kam aninit long provinsal forestri opis. Bikos wok bilong katim timba long dispela eria i kam



MAN I WOK LONG TAKASOP I LUKIM TORO I KAM NA EM SAVE PINIS LONG SIK BILONG TORO...

OH-HO! EM TORO TASOL... EM KAM LONG DINALIM MUTRUS... MI LES PINIS!

HARIAP TRU EM RAUSIM OL TABAK BILONG MUTRUS NA PULUMAPIM SPAK BRUS NA WETIM TORO IKAM...

HOI, IGIRI! MAI GUT PREN! YU ORAIT AH?

NAU TORO I KAM NA ASKIM LONG DINALIM WANPELA MUTRUS...

EH, BRAS.. MI FAKARAP LONG SIMIK YAH.. INAP MI DINALI WANPELA MUTI?

WANTU TORO I LAITIM NA WOK LONG PAMIM HARIAP TRU... INO LONG TAIM NA SPAK BRUS I KIKIM TORO...

BAGA SILIP LONG GRAUN NA WOK LONG LAP OLSEM OL LON-LON MAN.. OLGETA MANMERE TEK-OF!

WANTOK

NIUSPEPA BILONG OL PAPUA NIUGINI STRET

Wokbung na stretim hevi bilong forestri sekta

Rivyu Tim bilong Nesenel Fores Konsevesen na Eksen Progem (NFCAP) i tokaut pinis long sampela samting we Fores dipatmen i mas mekim long stretim ol hevi stap insait long forestri sekta long kantri.

Dispela NFCAP Rivyu Tim i no putim kamap dispela ol samting long laik na tingting bilong ol. Ol memba bilong dispela tim i go raun long olgeta hap bilong kantri na paitim toktok wantaim planti risos ona na tu wantaim ol gavman dipatmen. Na tu wantaim sampela oganaisesen insait long forestri sekta.

Long lukim olsem ol timba kampani karim aut wok bilong katim timba long stretpela rot na pasin na i no bagarapim bus, graun, wara na ol arapela samting long envairomen, gavman, ol non-gavman oganaisesen na ol grup insait long forestri sekta i mas wokbung wantaim.

Mipela olgeta, gavman na praivet sekta wantaim, i mas wokbung long stretim na ranim ol wok long forestri sekta. Bikos dispela sekta em i wanpela bikpela rot we gavman i save kisim mani. Sapos nogat gutpela wokbung i kamap, ol ovasis timba kampani bai kam insait na bagarapim envairomen bilong mipela. Taim ol i kisim wanem samting ol i gat laik long en pinis, ol bai lusim kantri. Na ol risos ona bai toktok kros wantaim gavman long kompensesen.

Bos bilong ol meri NSP askim ol meri long luksave long wanpela na narapela

ALOYSIUS SAMI i raitim

PRESIDEN bilong Not Solomons Kaunsil bilong ol Meri, Agnes Titus i tok ol meri i mas luksave long wanpela arapela. Na tu mekim ol arapela oganaisesen i luksave na helpim ol.

Em i strongim ol meri long lukluk gut na mekim ol plen bilong ol i wok. Na long taim bihain, ol pikinini i ken kisim helpim long ol wok kamap bilong ol.

Misis Titus i toktok long bikpela bung bilong ol meri long Buka las wik. Moa long wan tausen Katolik meri long olgeta hap bilong Bogenvil i bin bung long Hahela Peris



• Agnes Titus

long amamasim pinis long ol wok progem bilong ol long dispela yia.

Long wankain taim ol i mekim wok bilong ol, ol meri i mas sapotim ol man bilong ol, Misis Titus i tok.

Em i strongim ol meri long helpim kamapim pis, wanbel pasin na gutpela sindaun bek long Bogenvil na tu wantaim PNG.

"Maski pait i kamap na sindaun long ples bilong yumi i bagarap, yumi ol meri i noken sindaun nating na lukluk. Tasol yumi i mas soim olsem yumi ol meri tu i gat wok long kamapim gutpela sindaun namel long ol pipel bilong yumi yet long Bogenvil na PNG," Misis Titus i tok.

Long wankain taim tu, kodineta bilong ol Katolik meri long Bogenvil, Helen Hakena i strongim olgeta meri long bung wantaim na kamapim bel isi pasin namel long ol yet.

Em i tokim ol meri long lus tingting olsem wanwan long ol yet i stap antap na wok bung wantaim long kamapim gut ailan bilong ol. Em i askim ol meri olsem bikpela de bilong ol i makim taim pis i kamap gen long Bogenvil. Na dispela dsamting pis em i samting we ol na ol pikinini i kraik long em long laspela faivpela krismas long taim hevi i stap long Bogenvil. Olsem na em i strongim ol meri long holim pas long dispela spiritit bilong riyunien.

Air Niugini mekim namba tu ran i go long Buka



• (antap) Ol soldia i sekim bilum na kago long Buka ples balus taim F28 Air Niugini balus i go pundaun long las wik Fraide. Dispela em namba tu ron bilong F28 i go long Buka.

• (raithan) - Ol niusman na sampela pasindia kalap long balus long Jacksons ples balus, Mosbi long go long Buka. Ol poto na stori: Yakam Kelo.



WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00



WANPELA amamas ron bilong Air Niugini balus long kisim ol niusman meri i go long Buka long las wik Fraide i bin kamap gut tru.

Dispela ron bilong F28 balus i go long Buka em long soim ol manmeri bilong Buka olsem balus i bai pundaun gen long Buka. Dispela em bihain long 6-pela krismas olgeta Air Niugini i bin stapim ron bilong em long Buka bikos long pait namel long ol Bogenvil Revolusinari Ami (BRA), na ami bilong PNG long Bogenvil Ailan.

Las wik Fraide em namba 2 taim bilong Air Niugini balus i pundaun long Buka ples balus. Namba wan ron bilong balus long Buka em long Tunde.

Taim balus i go pundaun long Buka ples balus long Fraide apinun long hapas 4

(4.30pm) apinun, ples balus i pulap tru long ol manmeri long lukim ol wantok bilong ol husat bai i kam long Mosbi na Lae. Mipela i stap olsem 30 minit samting long Buka ples balus na kam bek gen long Mosbi.

Dispela ron bilong Air Niugini i kisim pasindia bilong Buka long Mosbi na Lae.

Edministreta bilong Not Solomon provins, Sam Tulo tu i ron long dispela balus long Mosbi i go long Buka na i tok em i amamas long lukim Air Niugini i pundaun gen long Buka bihain long 6-pela krismas olgeta em i bin stapim ron bilong em long hap.

Dispela inap helpim ol manmeri bilong Buka long go i kam long arapela provins na tu salim ol kago na samting ol. Ron bilong Air Niugini i go bek long Buka inap helpim ol

bisnis na kampani long Buka long salim ol kago na baim ol samting long arapela provins, Mista Tulo i tok.

Long pastaim, Air Link na Nationare i wok long pundaun long Buka tasol balus bilong tupela i liklik. Inap las wik Air Niugini i statim ron bilong em gen long Buka.

Taim mipela i bin pundaun long Buka ples balus, mi bin pret tru bikos mi lukim ol ami i sanap long ples balus na mi ting em hap bilong ol BRA paitman olsem na ami i was long ol manmeri. Mi no ting bai mi lukim ol ami long hap bikos balus i pundaun gen na mi ting ples i fri nau long raun.

Ol ami i sanap long ples balus na sekim bilum na bek bilong ol manmeri husat i kam daun long balus.

Kros bilong graun pasim rot bilong ol Sambri pipel

EDDIE SAUNDERS i raitim

OL pipel bilong Sambri Lel long Sepik Wara i painim hat liklik nau long kisim sot kat i go long ples, sapos ol i stap long Pagwi na i go.

Ol pipel long ples Kandinge na Niaurange i pasim tupela hanwara i save stat long bikpela Sepik wara i go kam long Sambri Leks. Tupela hanwara em Simban na Parapa.

Ol hetman bilong Sambri i wari liklik long dispela pasin we i kamap. Na i laik belisi wantaim ol lain long Kandinge na Niaurange.

As bilong dispela pasin i kamap i no klia. Tasol ausait toktok i kamap olsem i gat hevi i stap namel long dispela tupela ples na Sambri long graun.

Arapela ripot tu i tok olsem ol sampela lain husat i laik soim save na strong bilong ol i wok long mekim dispela pasin long kirapim hevi namel long ol pipel.

Patrick Kandan, husat em wanpela hetman long ples na olpela memba long Wasara Gawi, Mathias Yambunpe i no laikim dispela hevi i kamap na go moa.

Long dispela wik, Mathias Yambunpe bai go long ples na traime bungim ol lida bilong ples i birua, na traime bringim belisi gen.

Patrick Kandan, husat i kristen lida nau long ples i laikim belisi long gutpela kristen pasin. Em i bin man i go pas long toktok bilong graun bipo. Tasol em i senisim pasin na i laik stap belisi na amamas wantaim ol pipel.

Posai laikim 5-pela memba long Nesenel Fores Bod

i kam long pes 3

Atoriti mas trenim ol wokmanmeri bilong em yet long karim aut dispela wok.

Namba tri samting Minista Bilong Fores i gat tingting wokim em long stretim na wokim Nesenel Fores Sevis i go liklik. Bikos Nesenel Fores Sevis long nau yet bikpela tumas.

Tupela arapela samting Minista i soim kros bilong em, toksave pepa ya i tok, em bai sekim rifestesen levi o mani: dispela mani stap we na watpo na nogat wanpela wok i kamap long dispela mani?

Em bai paitim toktok tu long painim sampela rot long stretim revenyu sistem bilong wok bilong katim timba na salim i go long ovasis kantri. Bikos sistem bilong nau i no gutpela. Na i no givim gutpela mani go long ol risos ona.

Mista Posai gat tingting tu long daunim ekspot takis bilong ol diwai kam daun long samting olsem 5-8 pesen (5-8%) long arapela yia.

Wantok Niuspepa i ringim opis bilong Minista Posai tasol i no inap long toktok wantaim em long dispela ol tingting bilong em.

Ol Sera papagraun no kisim royalti mani yet

WINIS MAP i raitim

OL papa bilong graun long Sera we wanpela kampani bilong Melanesia i wok long katim timba i no kisim yet royalti mani.

Namba tu siaman bilong Vani-mo Timba Risos Len Ones Asosiesen (VTRLOA), Roger Onivi tokim Wantok olsem ol papagraun i wet yet long kisim royalti. Em i tok fores dipatmen i wok long westim taim long stretim ol samting.

Onivi i tok ol papagraun i bin go lukim ol opisa bilong Fores long Vanimo tripela taim. Tasol ol opisa i no givim ol gutpela bekim.

Em i bilip gavman bai kisim ol royalti mani bilong timba na stretim hevi long Bogenvil. Na sapos dispela i tru, Onivi i tok em bai tokim ol papa bilong graun long stapim wok bilong katim timba.

Tasol ekting projek supevaisa, Steven Peni i tok ol toktok Onivi i mekim i no tru. Em i tok ol dipatmen bilong Fores bai givim yet royalti mani i go long ol

papagraun.

"Mipela i no westim taim long givim mani bilong ol. Taim bilong stretim pepa wok i no save larim mipela long givim mani hariap," Peni i tok.

Peni i no amamas long toktok bilong Onivi olsem gavman bai yusim mani bilong timba royalti long stretim hevi long Bogenvil. Em i tok gavman i no gat rait long kisim mani bilong Royalti. Bikos dispela em mani bilong ol papagraun.

"Mani bilong ol i stap i no min olsem gavman i nogat mani, na mipela i nogat mani," Peni i tok.

Gutpela rot bilong senisim Morobe primia, em long askim em long risain, lbras i tok

YAKAM KELO i raitim

WANPELA gutpela rot bilong senisim primia Titi Christian em long askim em long risain olsem primia, na kamap wanpela memba na holim yet ministri bilong em na makim nupela primia.

Deputi primia na Provinsal Minista bilong Helt long Morobe provinsal gavman, James lbras i tok ol memba i wok long toktok tumas long holim vot i no gat bilip long primia Christian. Tasol dispela i no gutpela rot tumas.

Mista lbras i tok planti lida long Morobe provinsal gavman i nogat gutpela het. Bikos ol i laik bihainim ol hatpela rot we ol i ting bai i isi long ol. Tasol ol i no save givim gutpela astingting na poin long sapatim tingting

bilong ol long kamapim vot i no gat bilip long gavman.

Deputi primia i tromoi ol dispela toktok long bekim nek bilong provinsal memba bilong Garaina, Moroko Gaiwata, husat em primia i bin rausim em long las wik.

Mista Gaiwata i tok Deputi primia tu i wanpela man husat i laik kamapim vot i no gat bilip long rausim primia Titi Christian.

Tasol Mista lbras i sakim dispela tok bilong Gaiwata olsem i no wanpela trupela toktok. Bikos Mista Gaiwata tasol i bin muvim wanpela vot i no gat bilip long Titi Christian na gavman bilong em we notis pepa i stap pinis wantaim kuskus bilong Tutumang.

Tasol i nogat wanpela gutpela poin o astingting bilong ol i stap antap long dispela notis pepa long strongim

tingting bilong muvim dispela vot i no gat bilip, Deputi primia i tok.

Em i tok Mista Gaiwata em wanpela man husat i save kamapim hevi long wanem sait bilong gavman em i stap. Em i wanpela man bilong trabel. Olsem na sindaun bilong em i no inap gutpela. Na em i no inap kamapim wanpela gutpela samting, Mista lbras i tok.

Insait long Morobe provinsal gavman nau, planti memba i wok long toktok planti olsem primia Titi Christian i no gat gutpela lidasip na edministresen pawa long lukautim provins nau.

Tasol Deputi primia i tok kabinet i wok long bung gut long lukluk klostu insait long dispela hevi long kamapim ol gutpela rot bilong bihainim na strongim gavman i wok gut.

Vot i no gat bilip i no inap

kamapim wanpela gutpela samting, Mista lbras i tok. Tasol wanpela gutpela rot em long askim primia long em yet i ken lusim sia bilong em na kamap olsem wanpela memba insait long gavman na holim yet ministri bilong em.

Aninit long mama lo i lukautim dispela seksen bilong primia, no gat man bai pusim em long risain olsem primia. Tasol primia yet bai tokaut long maus bilong em olsem em i laik risain na kamap memba tasol long gavman na nupela lida i ken kamap primia.

Mista lbras i askim Moroko Gaiwata long i no ken tromoi ol toktok nating long niuspepa. Em i mas mekim ol toktok i gat as na tru long niuspepa bikos i luk olsem em i wok long tromoi ol belhat na tingting bilong em tasol long ol manmeri i lukim.



Bikpela meknais long Bugandi • Dispela em stall bilong ol Morobe stret. Bikman ya i mekimsave long paitim kundu na singsing long kalsarel de bilong Bugandi Hal skul insait long Morobe las wik.

Taun Komisen sekap nau long klinim Wewak taun

LONG dispela wik Mande, Novemba 28, Wewak Taun Komisin i bin karim aut wanpela bikpela wok sekap long olgeta eria insait long Wewak taun.

Sampela eria o ples Komisin i sekim em publik ples, ol haus insait long taun, bisnis haus, eria bilong ol praivet sekta na tu ol gavman opis na ogenaisesen.

Wewak taun Helt inspekta, Benjamin Gawi tokaut olsem Komisin i sekim ol ples we moskito i ken kamap, sapos ol haus i klin, ol samting we i no sapos long stap beksait long haus, baret sistem long haus, toilet sistem, ol animol na tu ol arapela samting we i no luk gutpela long stap insait long banis.

Komisin i sekim tu ol liklik strit maket insait long taun eria.

Long sampela taim i go pinis, Komisin i bin sekim teminel bilong

Trukai Rais. Na askim menesmen bilong Trukai Rais long rausim 73 beg rais we i bagarap.

Komisin i sekim tu wanpela bikpela kampani nem bilong en Garamut Enteprais. Na askim menesmen long rausim 1,500 katen tinpis.

Garamut Entaprais i bihainim oda bilong Komisin na rausim dispela 1,500 katen tinpis we i bagarap. Garamut Entaprais i tromoi dispela ol katen tinpis long solwara.

Tasol hevi olsem solwara i bringim sampela tinpis i kam bek long nambis long ol hap olsem Mangro kompaun na Ailan kompaun, taun na tu long Wom nambis.

Ol pipel husat i stap long ol dispela eria i wok long bungim na rausim ol tinpis. Bikos sampela i bruk na smel. Dispela i pulim ol lang long pulap long nambis.

Plis holim tupela man long vot tupela taim

PLIS i holim pinis tupela man long Madang long dispela wik Mande long mekim trik na vot tupela taim insait long Madang Konstituensi provinsal ileksen. Kot bilong tupela man ya i no kamap yet.

Long dispela taim yet, Madang provinsal ileksen i wok long ron gut klostu bai pinis. Planti konstituensi i redi long pinis na sampela tasol we i gat hevi long trenspot bai pinis long liklik taim bihain.

Ripot i kam long Madang provinsal ilektoral opis i tok eria olsem long Walim, Saidor, Aiyom na Madang taun i no bin statim vot hariap long taim bikos i no gat trenspot long kisim ol opisa i go na tu balot pepa i westim taim long Mosbi het opis.

Wanpela helikopta kampani tu i gat hevi

long ol wok bilong em yet tu. Olsem na i no helpim ol wokman bilong karim aut ileksen long bihainim taim

bilong statim ileksen.

Long Fonde (tude), bai ol ilektral opisa i stat long kaunim vot long Bogia distrik

**THE ONLY ANSWER FOR PNG
2 CHRONICLES 7:14**

If my people, who are called by my name will humble themselves and pray and seek my face and turn from their old ways, then will I hear from heaven and will forgive their sin and

WILL HEAL THEIR LAND

We call all Christians who believe in the spiritual effect of this scripture and who wish to support a proclamation for a National Day for Prayer and Fasting.

Please Write to:

**KAIKAI BILONG TINGTING
P.O. BOX 7574
BOROKO
NCD**

Sponsored by
Harvest Ministries International

TU MINIT TINGTING

LAS SANDE BILONG SIOS YIA: JISAS KRAIS I KING

LONG dispela las Sande bilong sios yia, planti Kristen i save onaim Jisas olsem king bilong ol. Ol i laik pinisim yia wantaim em, bikos long las de ol i laik em gen, na sanap long sait bilong em long taim em bai kotim yumi olgeta manmeri bilong graun.

Yumi ol pipel bilong tude, yumi save tingting na toktok long demokrasi na yumi no laikim king. Ol king tru bilong bipo - na long taim bilong Jisas tru - ol i samting tru. King wanpela i holim olgeta gavman long han bilong em yet. I no gat palamen; i no gat ileksen.

Ol pipel i no votim king; em i stap long pawa bilong em.....na em i holim olgeta pawa; na em wanpela i bosim olgeta kot.


Long taim yumi save beten long God, 'mekim kingdom bilong yu i kam' yumi save min olsem "mekim ol pipel i bihainim laik bilong yu long graun olsem ol i bihainim long heven." Mipela i laik bai ol lo na ol aidia bilong God na Jisas i mas win long graun.

Nogut sampela i ting Jisas i laik kamap king na bosim wanpela kantri na wanpela gavman. Nogat tru. Em i bin tokim Pailat olsem: "Yu no ken pret: kingdom bilong mi i no bilong dispela graun."

Long narapela ples Jisas i bin tokim ol pipel olsem: "Kingdom bilong God i stap insait long yupela." Kingdom bilong God em kingdom bilong Jisas.

Tasol ol pipel bilong tude ol i hatwok long bilip long Jisas. Ol manmeri bilong graun ol i save long ol king bilong graun tasol. Tasol ol i no bilip long Jisas, long wanem, em i wanpela kamdaman nating, i kamap long wanpela liklik rabis ples, na em i dai long diwai kros olsem man nogut tru. Tude em i no gat pawa na moni na ami na ol bilas samting bilong king.

Tasol long arapela sait, we stap wanpela kingdom bilong tude we olgeta pipel i sindaun gut? Long olgeta de ol nius i tok long woa na pait na kros na gurua na raunwin na haiwara na



FRANK MIHALIC i raitim

graun i tanim long das, na ol pipel i dai long kain kain sik, na ol manmeri i pret long atom bom inap long pinisim yumi olgeta wantaim.

Ol manmeri i husat i wari long ol dispela samting bilong ol kingdom bilong graun, ol i popaia long Jisas. Jisas i larim ol manmeri nating i karamap long ol dispela wari. Ol yet i bin wokim, bikos ol i no orait long

em i ken i stap king bilong hat na lewa na bel bilong ol.

Yumi Kristen inap go het sapos yumi bilip tru long kingdom bilong Jisas i stap insait long yumi. Olgeta taim yumi prea: "Mekim kingdom bilong yu i kam" yumi mas ting olsem: "Yes, mi laik yu kam bosim liklik kingdom long lewa bilong mi." Sapos Jisas i bosim, bai ol samting long laip bilong yumi i ran gut, bikos ol bai bihainim lo bilong God.

Tude graun i bagarap olgeta bikos planti Kristen i givim bak-sait long Jisas. Nau ol samting i go daun, ol kantri i go daun, ol gavman i go daun, ol sios i go daun. Watpo? Bikos ol i troimoim Jisas na olgeta tingting na aidia na skul bilong em.

Long Septemba 1994, klostu olgeta kantri bilong graun i bung long wokim ol lo bilong stapim groa bilong ol famili. Klostu olgeta ol i orait long kilim indai bebi insait long mama. Ol sampela Kristen kantri tasol i bihainim lo bilong Jisas long dispela.

Oke nau, bai yumi lukim husat bai win: ol kantri i tromoim Jisas, o ol kantri i bihainim Jisas?

Ol manmeri nating na ol kantri nating, ol i no gat pawa long bosim lo bilong God. Ol i no laik aninit long lo bilong God na lo bilong Jisas.

Planti ol i no bilip olgeta long God. Na nau ol i laik krungutim yumi olgeta aninit long rabis tingting bilong ol. Na i gat ol bikipela grup i redi long givim planti moni bilong sapatim ol pipel husat i bihainim ol dispela lo. Na ol i tambuim moni long ol pipel na kantri i NO laik bihainim.

Tude Jisas i wokabaut na paitim dua bilong lawa na hat bilong yumi wan wan na i askim: "Yu stap long wanem sait? Yu givim vot long husat?" Na yumi wan wan i gat wanem tok? Long laip na lewa bilong yumi, Jisas Kraus em i king o nogat? Yu wanpela tasol yu save.

1,000 Katolik meri long Buka bung long pinisim ol wok

ALOYSIUS SAMI i raitim

MOA long wan tausen Katolik meri i bung long wanpela bikipela lotu long Hahela Katolik peris insait long Buka las Sande Novemba 27. Dispela em long amamasim de we ol meri i pinisim tru ol wok bilong ol long dispela yia.

Ol meri i kam long olgeta hap bilong Bogenvil. Em long hap long bikiples Bogenvil olsem Buin, Siwai, Nagovis, Kieta, Wakunai, Tinputz, Torokina, Keriaka na Selau. Ol i bungim ol susa bilong ol long Buka na Atols distrik long dispela bikipela bung. Tripela pater i go pas long misa long dispela taim. Em long Pater Bernard, Keady, Dryer na Grenier. Ol meri i bin holim wanpela bikipela

miting pastaim long makim namba wan Sande bilong Edven long amamasim de bilong ol.

Long lotu Katolik, Edven em foapela Sande bipo long Krismas.

Na sios i mekim ol wok redi long tingting kamap bilong Kraus insait long foapela wik bilong Edven.

Helen Hakena, kodineta bilong Katolik Wimens Asosiesen long Bogenvil na presiden bilong provinsal kaunsil bilong ol meri, Agnes Titus i bin go pas long ol meri long dispela selebren bilong ol.

Misa i stat long 10 klok moning na pinis bihain long belo. Long stat bilong misa, ol i karim ston kafing bilong Santu Maria na singsing wantaim i go long haus lotu. Bihin long lotu, ol i wokim bikipela kaikai long pinisim amamas bilong ol long dispela de.

Pis long Bogenvil mas kamap long prea bung

MAN i kisim ples bilong Bisop long Bogenvil Daiosis, Pater Benedict His i tok maski ol lida bilong ol Bogenvil Revolusinari Ami i no kam ausait long taim bilong Arawa Pis Konpres, pis i kamap taim ol manmeri i bung long singsing na prea bung wantaim lotu.

Pater His i mekim dispela toktok long bikipela bung bilong ol meri long Hahela Peris long las wik Sande. Em i tok yumi olgeta manmeri i save long as bilong hevi long Bogenvil. Na yumi no ken sutim tok long wanpela na narapela. Yumi olsem ol Kristen manmeri i mas stretim yumi yet gen.

Em i tok moa tu olsem i gutpela sapos ol meri i skelim ol yangpela manmeri long go hetim gut laip bilong ol,



- Pater His. bihain long bikipela hevi long ailan.

Planti asua i save kamap long lotu na bagarapim wok bilong Bogenvil. Na yumi no ken sutim tok long wanpela na narapela. Yumi olsem ol Kristen manmeri i mas stretim yumi yet gen.

Long las wik Sarere

yet, Novemba 26, samting olsem tupela ten manmeri i pinisim ritrit o taim bilong mauspas bilong ol. Wanpela wik ritrit i kamap long Hahela stesin.

Wantok i bungim sampela long ol lain huisat i stap long ritrit na kisim tingting bilong ol long dispela samting.

Callisto Buatoa i tok as tingting long dispela ritrit em long larim Spiritu bilong God i toktok taim nogat narapela samting i pasim yu long ausait. Bikos long planti taim, ol kain wari i save pasim yumi long toktok wantaim God na kisim bek gutpela tingting bilong yumi.

Em i tok God i givim taim long man long tingting bek long ol rong bilong em.



• Pop John Paul II

PLANTI Katolik pipel bilong Is Nu Briten husat i stap long Rabaul, Mosbi na tu long ol arapela daiosis long kantri i no amamas long sampela samting we sios i mekim long senisim wokabaut bilong hetman long Katolik Sios long wol neks yia.

Long las mun, i bin gat ol ripot i kamap long ol niuspepa olsem Pop John Paul II i no inap go long Rabaul long go pas long lotu

bilong santuim Peter ToRot. Dispela em wanpela katekis bilong ples Rakunai husat i dai long Rabaul long han bilong ol soldia bilong Japan long namba tu bikipela pait long 1945. Wok i bin stat long redi long wokabaut bilong Pop John i go long Rabaul, stat yet long Is yia Septemba.

Rabaul na Mosbi daiosis i sanapim ol komiti long lukautim wok long wokabaut

bilong Pop na seremoni long santuim Peter ToRot i go gut. Olsem na ol pipel i redi gut stret long wokabaut bilong Pop i go long Rabaul.

Tasol taim maunten paia i bagarapim Rabaul long mun Septemba, ol bikman bilong sios long kantri i senisim tingting long holim seremoni long Is Nu Briten. Na long Pop i kam inap tasol long Mosbi long wokim dispela samting. Na i no long Rabaul.

Long las wik, ToRot Komiti long Mosbi i bin bung long autim tingting bilong ol na paitim toktok long dispela samting. Ol wari bilong ol i stap long ol toktok ya:

- kenselim wokabaut bilong Pop John ii i go long Rabaul long santuim Peter ToRot.

- nau sios i putim strongpela tingting long Sprituel Riniawal long wokabaut bilong Pop i kam long PNG. Dispela i abrusim nambawan bikipela tingting we sios i bin gat long bikman i kam long kantri. Em long santuim katekis, Peter To Rot.

- nogat strongpela tingting long givim wok long helpim wantaim ol wok redi long wokabaut bilong Pop John ii i go long ol sios woka olsem ol katekis na ol arapela kristen manmeri husat i helpim long go hetim wok bilong sios long wan wan komyuniti,

peris na daiosis.

Komiti i no wanbel stret wantaim tingting bilong sios long dispela samting bihain long ol i ritim dispela nius long niuspepa na harim tu long redio.

Tasol long opisal tok-save we gavman na sios i mekim, Pop bai i kam long PNG long santuim Peter To Rot long Rabaul long Januari 16 na 18. Tu, komiti i tokaut olsem wokabaut long Mosbi Asdaiosis kodineta i go long Rom i bilong kenselim wokabaut bilong Pop i go long Rabaul. Bikos long hevi maunten paia i kamapim long Is Nu provins na bikipela F28 balus ino inap pon-daun long Tokua epot.

Long makim maus long ol Katolik pipel bilong Is Nu Briten Daiosis na ol arapela brata susa bilong ol long kantri, komiti i laikim Pop long go yet long Rabaul na go pas long seremoni bilong santuim Peter ToRot.

Sapos Pop ino inap long go long Rabaul long seremoni we ol i plenim pinis las yia yet, i gutpela long em i abrusim wokabaut bilong em i kam long PNG inap long taim ol Rabaul i kamap gut gen. Tasol i moa gut long em i visitim Rabaul na Not Solomons long lukim ol hevi we ol kristen long tupela provins i bungim long dispela taim.

Ol bikhet manki soim pes long krused

BIKPELA lotu krused long Popondeta long las wiken i pulim moa long 800 yangpela manmeri i kam bung long Fraide inap Sande apinun.

Insait long dispela krused, tupela biknem gospel ben, *Voice in the Wind* na *Higher Vision* i go pas wantaim ol lotu musik na sering.

Wanpela meri husat i bin sindaun insait long dispela krused long Fraide inap Sande, i

tok dispela i bin wanpela bikpela krused tru we i pulim planti ol yangpela bikhet manki i kam.

Long las wiken tu, wanpela musik grup bilong CHM long Mosbi i bin go daun long Popondeta na pilai long wanpela hotel long hap. Tasol dispela krused i pulim tru ol manmeri husat i save laik go long ples disko. i kam na harim tok bilong God.

Meri ya i tok ol lain brata bilong em long *Voice in the Wind* gospel ben i bung wantaim *Higher Vision* na kamapim wanpela nem; C2 UIS we as tingting bilong ol em long sanap wantaim na kamapim kain krused olsem long bihain.

Tupela gospel ben ya i ken katim kaset bilong tupela yet tasol long taim bilong holim lotu bung o yut krused na leri samting, tupela bai

sanap wantaim na go pas long ol lotu na musik.

Ol manmeri i pulap tru long harim tok bilong bikpela na singim ol song wantaim long litimapim nem bilong bikpela, Brensley i tok.

Na em yet i pilim amamas tru long lukim ol bikhet manki husat i save wokim trabel raun long rot i kamap soim pes long dispela taim bilong krused.

ELC-PNG Deputi Bisop tok lukaut long kotim Luteran Rifom Grup

DEPUTI Bisop bilong Evanjelikel Luteran Sios bilong Papua Niugini (ELC-PNG), Ray Rasowe i no amamas long man i go pas long Luteran Rifom grup. Dispela em long yusim nem bilong ELC-PNG long edvetaising bung bilong ol, em bai kamap long Hagen Agrikalsa Koles long Desemba 11-17, 1994.

Dispela edvetismen i bin kamap long *The National* niuspepa bilong Novemba 23, 1994. Na i karim tu mak bilong ELC-PNG.

Planti lida bilong ELC-PNG, husat i stap long Lae Luteran Sios het opis i no amamas tru long dispela.

long Lae, Mosbi na Madang. Na nau em i laik mekim wankain pasin long Hagen," Deputi Bisop i tok. "Ol wok bilong em i no bihainim bilong sios."

Evanjelikel Luteran Sios bilong Papua Niugini na Luteran Rifom Grup em tupela birua. Tupela grup ya i save kros long wok bilong sios long sampela taim nau.

Bisop Rasowe i tok lukaut olsem sapos wanpela birua grup i yusim nem na mak bilong Luteran sios long holim kain bung, dispela i brukim lo. Na em bai kisim ol i go long kot, sapos ol i no stapim dispela kain pasin.

Katolik sios bung long glasim wok

ADDY LAVAKS i raitim

OLGETA Katolik misin insait long Wewak, Is Sepik provins, i bin bung na holim wanpela bikpela semina bilong Katolik sios stat long Novemba 23 i go inap long Novemba 26.

Dispela semina ol i kolim olsem "Sios i Stap Laip." Na het tok semina em Holim Yukaris na Evanjelisiak Litiresa.

Katolik sios long Is Sepik provins i holim dispela semina long lukluk long ol gutpela wok we sios i kirapim. Na tu ol kankain sevis we sios i givim i go long ol pipel insait long

provins.

Katolik sios i putim kamap planti sevis insait long provins olsem helt, skul, indastri, na ol sosel sevis olsem spo. Na ol pipel i kisim na yusim dispela ol sevis long helpim ol yet long kamapim gutpela sindaun na laip long ples na komyuniti.

Bikpela toktok i kamap long semina em wok bilong sios long karim aut wok bilong em long autim Gutnius bilong Papa God insait long provins. Toktok i bin kamap tu long wok bilong sios i ron olsem wanem, na sios bai wokbung wantaim gavman long wanem rot.

Katolik sios i laikim olsem gut-

pela wokbung i mas stap namel long em yet na provinsal gavman long provins. Na tu wantaim ol pipel na praivet sekta long provins. Astingting em long givim ol gutpela sevis i go long pipel na gutpela developmen i mas kamap long provins.

Ol bikmanmeri bilong Katolik sios insait long provins i tokaut olsem sios i laik stretim ol sevis na wok em i putim kamap. Dispela em long mekim ol pipel i luksave na lukautim dispela ol sevis na wok.

Long lukim ol sevis na wok i kamap gut, Siaman bilong semina, Tonny Toboi i tok pasin bilong wokbung i mas stap.

"Grup i brukim lo long yusim mak bilong sios, na mi bai kisim ol i go long kot long dispela sapos ol i mekim wankain pasin yet"

Bisop Rasowe i tok man i statim Luteran Rifom Grup, Enoma Topogogo i lusim ELC-PNG long kirapim sios bilong em yet. Bisop i tok Mista Topogogo i haitim em yet olsem wanpela trupela Luteran, na save yusim mak bilong sios long promotim ol wok bilong em yet, we i paulim nabaut tingting bilong ol Luteran memba insait long Papua Niugini.

"Em i haitim em yet aninit long ambrala bilong ELC-PNG ng laik brukim nabaut ol Luteran memba

"Grup i brukim lo long yusim mak bilong sios na mi bai kisim ol i go long kot long dispela sapos ol i mekim wankain pasin yet."

Deputi Bisop i tokaut olsem ELC-PNG i no stap insait long holim bung long Hagen. Em i askim nau olgeta trupela Luteran memba long noken stap insait long dispela bung.

Em i tok sapos Mista Topogogo i laik holim kain bung, em i mas yusim nem bilong em yet. Na no ken yusim nem bilong sios.



TOYOTA DYNA

THE TOUGHEST MIDDLEWEIGHT TRUCK IN ITS CLASS

Built Tough, Toyota Dyna Trucks give you an excellent choice, with either petrol or diesel power, long or short wheel base, cab/chassis, flat bed, dump truck and the latest styled extra-wide cab with mighty 3.7 lt. direct injection diesel power. We also offer a wide range of Dyna Special Purpose Vehicles, including Agitator Trucks, Fuel Tankers, Panel Vans, Crane Trucks, and Refuse Collector Trucks. When it comes to the Middleweights, you can't beat Toyota Dyna.




 TOYOTA

Ela Motors


PORT MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888 WEWAK 862255
KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367
ALOTAU : WALTERS WORKSHOP PH 611174



Tripela ami bilong Yunaitet Nesen (UN) i pasim la bilong ol ong harim palrap bilong bom long Bosnia birua antap long BiHac maunten. UN ami i go long helpim ol manmeri i kism kism bagarap long woa ya.



• Gerry Adams, wampela lida bilong Sinn Fein wantalm Tony Benn husat em long-talm Leba memba bilong Palamen long London. Mista Adam i tok pati bilong em, Iris Ripablik Ami i sanap long stretim hevi na woa long Alster.



• Jacques Medecin husat em wampela olupela meya long Bosnia.

OL WANSOLWARA NIUS

Mak bilong suga bai goap

FIJI: Fiji i laik brukim rekot long ol arapela yia na kamapim moa suga long dispela yia. Long dispela, em laik kamapim 510 ton hevi bilong suga long dispela yia, winim dispela rekot kantri i setim long 1968 taim em i kamapim 501 tausen 800 ton insait long wampela yia. Manesing dairekta long Fiji Suga Koporesen, Jonetani Gilainadi i tok.

Daily Post niuspepa bilong Fiji i tok foapela suga mil long Fiji i bin brukim rekot long 1968 taim ol i kamapim 510 tausen 800 ton hevi suga, Mista Gulainadi i tok

Salens long kamapim ol gutpela TV program

NIUE: Brotkasting Minista long Niue, Terry Coe, i salensim ol meri Pasifik husat i save produsim ol telivisen program long kamapim ol gutpela program bilong Pasifik yet, winim ol dispela we ol ausait lain i kamapim. Mista Coe i mekim singaut long dispela wik Tunde taim em i opim wampela woksop we ol Pasifik meri telivisen produsa i holim long Alofi, biktaun bilong Niue.

Em i tokim ol meri olsem kamap bilong ol arapela ausait telivisen grup long Pasifik ino olsem ol i birua, nogat. I gupetla long lukim dispela olsem salens.

Ol meri husat i save kamapim ol telivisen program long Fiji, Westen Samoa, Kuk Ailans na Niue i bung long wampela wik kos long Alofi long skruim save bilong ol long kamapim ol gutpela program we ol asples pipel long Pasifik i laikim.

UNESCO, wampela han bilong Yunaitet Nesens i go pas long dispela kos. Long pinis bilong kos, top meri long kamapim gutpela piksa bai i kism prais.

Olpela Solomon Ailan politisian tokaut

SOLOMON AILAN: Reveren Leslie Fugui em i wampela eks politisen bilong Solomon Ailans. Tasol nau em i stap wok long Fiji.

Orait, long nau, Reveren Fugui i egensim tingting long gavman bilong Solomon Mamaloni. Dispela em long ekstendim taim bilong gavman i stap long pawa i go antap long faivpela yia. Na tu, long katim namba long ol politikel pati i go long tupela tasol. Solomon Ailan Brotkasting Koporesen i tokaut long dispela samting.

Reveren Fugui i wok nau olsem saplen long Yunivesiti bilong Saut Pasifik long Suva. Em i autim toktok bihain long ol nupela senis we gavman bilong Mista Mamaloni i laik kamapim long mamalo bilong kantri. Nogat gutpela toktok i kamap long ol dispela isu pastaim na gavman i laik mekim ol senis nau, em i tok. Em i laikim gavman long holim wampela referendum bipo long ol i eksenim.

Reveren Fugui i tok wampela gutpela samting we ol i ken mekim, em long senisim Ilektrik Ekt long rausim kwiktaim memba husat i krosim plua na lusim pati bilong em long joinim narapela sait. Dispela rot bai i kamapim polikel stability na moa ikonmik developmen long kantri i ken kamap.

Senis we Mamaloni gavman i laik kamapim em long apim wok politiks tasol bilong ol memba. Na ino bilong helpim pablik bilong Solomon Ailans.


Eks memba ya i tok gavman i mas tingim pastaim long stretim wok mani bilong kantri. Na ino mamalo we bai i helpim tasol laik bilong ol gavman minista.

Resis pulim moa atis long wansolwara

WESTEN SAMOA: Moa long 1,000 pikinini bilong 17-pela Pasifik kantri i salim pinis ol piksa ol i droim long tekpat long wampela resis we Saut Pasifik Rijonal Envaironmen Program (SPREP) i putim kamap. Resis ya i bilong droim ol torosel. Bikos long nau, SPREP, i laik lukautim ol abus bilong solwara long ol pikinini bilong yumi long bihain taim.

Planti pikinini long ol liklik ailan kantri olsem Niue, Tuvalu, Tokelau, Pitcairn, Kuk Ailans na Westen Samoa i salim ol droing bilong ol long dispela resis, Konsevesen opisa, Sue Miller i tok.

Ol ripot i kam long PACNEWS



• Meri ya i kral no gut tru long harim nius olsem tupela pikinini man bilong em i bin dal insait long bikpela guria we i bagarapim Calapan taun long Filpin. Dispela guria i bagarapim planti samting na moa long 200,000 manmeri long hap i sindaun no gut long lusim ol haus na samting bilong ol. Presiden Fidel Ramos i bin go raun long hap na lukim ol samting we i bagarap long en. Dispela em long las wik Fonde.

JOB OPPORTUNITIES ON CRUISE SHIPS

5,000 Employments in the Caribbean

Positions available:

- Administrative Staff
- Dining Room Staff
- Shop Staff
- GP-Repairmen
- Hostesses
- Bellboys
- Receptionists
- Cruise Staff
- Electricians
- Waiters
- Seamen
- Cleaners

and many other positions. Previous experience not required for all positions. We are looking for applicants between 18 and 40 years old.

Salaries:
US \$ 10,000 -US \$ 30,000 /year

Additional Benefits:
 •Modern cabins and excellent food free of charge •Tax Free Salary •Extra bonuses •Free training. *If you are interested in a well-paid job on a cruise ship, fill the coupon and send it to:*

SEA CRUISE ENTERPRISES

P.O. Box 2635,
 Balboa Ancon
 Panama, Rep. of Panama

ENGLISH BLOCK LETTERS PLEASE! Mr. Mrs. Miss.

Name _____

P.O. Box/Address _____

Age _____

City: _____ Country: _____ P.2



• (lephan) Yasser Arafat i toktok long 10,000 manmeri long Mande long biktaun Gaza. Em toktok long pinislm oi trabel na hevi bilong woa we i wok long kamap.
 • (daunblo) Bkpele tren ya i kirapim pala taim ain long rot bilong tren i lus na tren i kamautim oi ain na pala i kirap. Tren ya i kuk oi geta wantaim 60 manmeri i bagarap.

Ol liklik nius

Meri Ijip karim pikinini wantaim wanpela ai

Ijip: Wanpela meri long hap bilong Ijip i bin karim wanpela pikinini meri we i gat wanpela ai na i no gat nua na algras long pes bilong em. Em i gat wanpela ai tasol we i sanap long namel bilong pes bilong em.

Ripot i kam long oi dokta long Ijip i tok meri ya i gat 40 kriemas na i gat 6-pela pikinini na tupela i bin dal.

Ripot i tok oi dokta long haus sik i no save lukim wanpela kain samting olsem bipo na i traim long sekim skin bilong bebi ya wantaim papamama bilong em long panimaut wanem samting tru i kamapim dispela.

Tasol i gat bilip olsem insait long tumbuna pasin o kaatom bilong oi Ijip, sapos meri i marit long famill bilong em yet, bai dispela kain samting inap kamap.

Meri ya i bin martim pikinini man bilong kandre bilong em yet.

Meri ya i kam long ples Beni Suef 130 kilomita longwe long Kairo taun bilong Ijip.


Al Ahram niusepea long Ijip i bin putim stori bilong liklik meri ya long niusepea wantaim poto bilong em. Planti manmeri i no luksave gut long pes bilong em tasol oi i ken lukim tasol long wanpela blak mak long namel bilong pes bilong em.

Spakman katim tang bilong dok

Saina: Wanpela man Saina i bin belhat na katim tang bilong wanpela dok taim dok ya i kalkaim em.


Ripot i tok man ya i bin spak no gut tru na i go nok long dua bilong wanpela poroman taim dok ya i kalkaim lek bilong em.

Man ya i bel hat na holim dok na stat long paitimdok antap long ston. Bihain em kisim naip na katim tang bilong dok.



**CONCENTRATED
CLEANING
POWER**

**STRONGPELA PAWA
BILONGKAMIN**



BISNIS LONG PAPUA NIUGINI



I Gat Namba long salim buai...Guna Francis i save salim buai. Tasol kos bilong buai i go antap na nau em i salim kafifi (wel buai) we prais i go daun liklik. Ol kafifi em i holim long piksa i kos K5.00 long wanwan rop. Foto: Sape Metta.

Morobe spika askim long strētīm Siasi rot

FRANCO NEBAS i rattim

PROVINSEL memba bilong Siasi na spika bilong Morobe provinsel gavman, Isaac Narol i laik save long wanem as na rot mentenens projek long Siasi i no bin kamap.

Mista Narol i tok taim em i kam bek long raun bilong em long Siasi long las wik, em i bin painimaut long deputi seketeri bilong

Morobe provins, Manasupe Zurenuoc olsem opis bilong primia i bin givim oda long Woks divisen long no ken karimaut dispela projek.

"Moni bilong dispela projek i no bilong primia o husat Fainens minista, dispela em moni bilong ol pipel long Siasi we i wankain tasol long olgeta arapela distrik long Morobe provins", Mista Narol i tok.

Memba bilong Siasi i tok primia bilong Morobe i gat bikpela wok

tru long mekim long ol pipel bilong Siasi tasol wanem as na em i no mekim wok bilong em long skelim gut provinsel baset long olgeta provins.

Mista Narol i askim tu Provin-sel Seketeri, Aine Sengero long rausim distrik seketeri bilong Siasi, Kevin Kefengu bikos em i no mekim gut wok bilong em.

Memba bilong Siasi i laikim bai nupela saveman husat i gat gutpela trening i mas kisim ples bilong distrik seketeri long ronim gut opis long Siasi.

Huon Galp memba askim ol Wampar pipel long kirapim bisnis neks yia

NESENEL memba bilong Huon Galp, Masani Tukape i laikim bai ol papamama long Wampar eria long Morobe provins i mas bung wantaim gut long neks yia. Na sanapim wanpela bisnis projek bilong komyuniti.

Mista Masani i mekim dispela toktok long taim em i givim setifiket long 28 meri husat i pinisim tupela krismas Tok Ples skul bilong ol long las wik.

Mista Masani i tok long neks yia, em yet

bai go bek long ples Munum na bungim ol hetman na meri long kamapim tingting bilong sanapim wanpela projek bilong helpim olgeta manmeri insait long komyuniti ya.

Memba i tok ol pipel i no ken wari tumas long wok bilong politiks bikos politiks em olsem sua we i wok long kaikai lek bilong man i go inap em i kilim man i dai.

Munum Tokples Skul em wanpela skul we i

save skulim ol manmeri long tupela krismas olgeta wantaim setifiket pepa.

Ol studen husat bai skul yet long neks yia i amamas long gutpela toktok bilong memba. Tasol ol i askim sapos Edukesen divisen long Morobe provins i mas givim helpim long strongim tokples skul progrem insait long Wampar na Morobe eria.

Mista Masani i tok Huon ilektoret em bikpela tumas we ol

manmeri i gat kain kain tok ples na pasin tum-buna. Olsem na kain skul olsem inap kamapim planti gutpela helpim i go long ol manmeri bikos ol i save nau long rit na rait. Na dispela inap helpim ol i painim gutpela helpim long sindaun na laip bilong ol.

Memba bilong Huon Galp i tingting long go bek neks yia long mun Mas na Epril samting long bungim ol hetman na meri bilong Wampar eria.


NEW AXION LEMON GREASE STRIPPER



**ISI WE LONG
KLINIM OL DIS
NA SOSPEN
BILONG YU!**

SiL

Samting tru long wasim ol plet, kap na sospen!



SiL marasin em i nambawan marasin tru na i strong moa moa yet.

Kapsaitim liklik tasol i go insait long hat o kol wara na mumutim ol plet, kap spun, fok, naip o sospen i go insait na traim....

Man, bai yu amamas tru long lukim olgeta samting i klin na sain gut tru!

PNG LAIPSTAIL

Kalsa na tumbuna pasin em bikpela samting

IVAN BAYAGAU na DANIEL MONA | raltim

PAIRAP bilong gara-mut na kundu wantaim singaut bilong taur i bringim moa long 500 pipel long Sir John Guise Stadium, Mosbi las Sarere. Dispela bung i bilong makim Festifel De bilong Ats long Papua Niugini.

I bin gat 35 singsing grup bilong olgeta hap bilong Papua Niugini i soim kain kain stall bilong ol yet long dispela de.

Ol kainkain tumbuna singsing grup i kamap na kalap kalap nabaut long bikpela pilai graun em 1991 Saut Pasifik Gems i bin kamap, we PNG i top long winim planti gol medal tru. Kamap bilong kainkain singsing grup i soim olsem Papua Niugini em i wanpela kantri yet we ol pipel i bung wantaim, maski ol hevi i kamap long Bogenvil ailan.

Dispela em toktok bilong Memba bilong

long stedium wantaim ol yangpela bilong lukautim kantri long bihain taim, wantaim ol tumbuna pasin na kastom. Long kisim ol pikinini i go insait tu long singsing, dispela em i gutpela pasin bilong ol long lainim. Bikos ol bai lukautim ol kastom na tumbuna pasin long bihain taim," Mista Narokobi i tok.

Bihain long indipendens, nesanel gavman i bin yusim K5 milien long putim kamap ol institusen bilong lukautim ol tumbuna pasin na kastom olsem misium. Misium em haus bilong lukautim ol tumbuna samting olsem kafing, bilum, ston tamiok, kainkain pisin na snek wantaim ol arapela abus, na sam-pela moa. Tasol 10-pela yia bihain, gavman i slek long lukautim na mekim kamap bikpela ol kastom pasin bilong ples.

kantri, PNG bai go pas long wok bilong lukautim na bihainim yet planti tumbuna pasin. Long makim wantaim ol arapela kantri long wol, PNG bai go pas tu.

"Mipela ol Papua Niugini i save amamas olsem mipela i lukautim na bihainim yet planti tumbuna pasin bilong mipela; tasol planti kantri long wol i lusim bilong ol pinis," em i tok.

Agrikalsa minista, Mista Narokobi i tok long strongim tumbuna kastom bilong kantri. "Dispela kain pasin bilong lainim ol yangpela manmeri i mas stap yet namel long mipela olgeta insait long Papua Niugini," em i tok.

Em i tok PNG em i wanpela kantri we i holim yet pasin tumbuna bilong em. Tasol mipela yet i mas lainim ol pikinini long strongim ol dispela tumbuna pasin long bihain taim. Ol arapela kantri insait long wol nau i lus ting-



• Akuku singsing grup bilong ples Kapari long sentrel provins. Ol i holimpas stret ai bilong ol manmeri wantaim stall bilas.

"Mipela i mas hepi na so op long holim yet tumbuna pasin bilong mipela long spesel pasin we mipela i stap wantaim kantri yet we i gat planti tumbuna pasin na bilip."

Wewak na Minista bilong Agrikalsa na Laipstok, Bernard Narokobi. Mista Narokobi i bin stap tu long dispela festifel. Mita Narokobi em i wanpela strongpela Melanesian man. husat i save toktok strong long developim kantri we ol kastom na tumbuna pasin tu i mas bihainim. Olsem wanpela man Melanesia, bai yu lukim planti taim em i save laikim long kaikai buai stret.

"Mipela i mas hepi na so op long holim yet tumbuna pasin bilong mipela long spesel pasin we mipela i stap wantaim kantri yet we i gat planti tumbuna pasin na bilip," Mista Narokobi i tok.

Wanpela samting i mekim Mista Narokobi i amamas em go insait bilong ol yangpela manmeri long dispela festifel. Ol pikinini tu i sanap namel long ol bikman meri na mekim-save long singsing o danis i stap.

"Ol pikinini Manus na ol arapela grup i soim olsem mipela i kam

Antap long dispela hevi, gavman i rausim kalsa komisen long 1989. Na i no longtaim tasol, gavman i kirapim gen dispela bodi aninit long nupela nem olsem Nesanel Kalsarel Komisen. Komisen ya i kamap long strongim wok bilong lukautim ol kalsa bilong ples. I nogat sapot bilong gavman long dispela wok. Tasol ol pipel i lukautim yet tumbuna pasin bilong ol.

NCC kamap long promotim tumbuna pasin

Sief Eksekutiv bilong Nesanel Kalsarel Komisen, Dokta Jacob Simet i tok bikpela astingting bilong NCC em long promotim tumbuna pasin bilong PNG. Em i tok i nogat kalsa de long PNG. Na bung bilong las wiken em namba tu kalsa de. Na ol lain i makim ol arapela provins i save stap long Mosbi.

Dokta Simet i tok moa olsem sapos mipela makim PNG wantaim ol arapela Melanesian

ing pinis long tumbuna pasin bilong ol.

Meri i go pas long ogenaisim dispela festifel em Molly Gaso. Em i tok dispela festifel bai kamap long olgeta yia.

Em i tok tu olsem i bin gat planti singsing grup i laik danis long festifel bilong dispela yia. Tasol komiti i go pas long holim kamap dispela festifel i no gat inap mani bilong baim ol.

Las wiken, 35 singsing grup olgeta i kamap. Tripela singsing grup tasol i kam ausait long Sentrel provins.

Hia em nem bilong ol singsing grup bilong Sentrel provins:

Avedobu (Sogeri), Goiseoro (Mailu), Iovi (Masal Lagun), Bese Ane Abi (Tubuseria), Uhunamo (Porebada), Mimini (Kairuku), Saroa (Rigo), Voivoi (Kairuku), Kemabolo (Rigo), Akuku (Rigo), Gaire (Rigo) na Poremotu.

Is Nu Briten provins i kamap wantaim tripela i go moa long pes 14



• Atis i soim stall bilong droim ol piksa bilong Papua Niugini. Ol foto: Ivan Bayagau.




• Ol lokol atis i kamap tru long festifel de na soim wok bilong ol.

Kalsa na tumbuna pasin em bikpela samting



• Sewe Kori singsing grup bilong Mosbi. Dispela em wanpela grup bilong ol Papua husat i save tokples Motu.



• Sepik singsing grup bilong Waigani eria. Ol i paitim dram long ol wantok manmeri bilong ol husat i singsing.

1 kam long pes 13 grup. Na Westen, Milen Be, Morobe, Galp, Oro, NCD na Sauten Hailans, olgeta wanwan i kamap wantaim tpele grup.

Misis Gaso i tok long festifel bilong neks yia taim komiti i gat planti mani liklik, ol bai singautim manmeri bilong ol arapela provins long kamap tu. Na soim tumbuna pasin na danis bilong ol.

Na tu ol bai soim ol arapela tumbuna samting olsem pasin bilong katim kating, kukim

kaikai, mat bilong slip na ol arapela samting moa.


1994 so makim 'Intanesenel Yia bilong ol Asples pipel'

Las yia i bin gat wanpela festifel olsem. Dispela festifel em N es en el K a l s a Komisen i holim kamap long makim 'Intanesenel Yia bilong ol Asples Pipel'. Long tok inglis, ol i kolim dispela olsem 'International Year of the Indigenous People'.

Ol i ting olsem dispela


em i gutpela we bilong lainim ol yangpela manmeri long singsing na pasin bilong tumbuna.

Dispela kain pasin tumbuna i mekim manmeri bilong ol arapela kantri i ting olsem Papua Niugini i stap olsem ol bus kanaka bilong bipo yet, Tasol nogat. Dispela ol singsing na pasin tumbuna i mekim Papua Niugini i gat namba insait long wansolwara bilong Pasifik rijon, we mipela luksave long dispela kain pasin.



• Yangpela meri Sentrel husat i kamap tu long lainim tumbuna pasin. I gutpela sapos ol arapela yangpela manmeri i bihainim dispela kain meri. Bikos dispela em wanpela rot tasol bilong strongim tumbuna pasin bilong Papua Niugini.

SKRUIIM TOK



Lep i go long rait

1. Ol manki i saye mekim dispela long toilet, tasol Spika i mekim long Haus Palamen
6. Kaikai bilong ol manki
7. Sik bilong kopi
8. Lu
10. Man i jeles, em..... tudak
11. Haiwara
12. target
13. Blasius To
14. Wanpela diwai
16. Adam Iva
17. Spia bilong painim pis
20. Somare, Narakobi, na Yauwinga em tripela
22. Trukai na Sunlong em tripela kain
23. Noken kilim man na no ken stil, em tupela
24. Sapos yu wok hat long draipela san, dispela bai kamap long skin bilong yu
27. VD, AIDS, na malaria em tripela
28. Spika bilong Palamen
31. Primia bilong Enga

Provins

32. Ol man i no inap lukluk, em ol pas
33. Sapos yu wok man, potnait em taim bilong kisim dispela
34. Bilas bilong han
37. Tedi
38. Dispela mun i gat 31 bilong ol
39. Bilas bilong ol yangpela man bilong NSP
40. Wan, tu,
41. Retpela, waitpela, na blakpela em tripela

Antap i go daun

1. Amamas
2. Aitape i stap long Wes, Wosera i stap long
3. Ples bilong salim pas
4. Wanpela singsing bilong 9
5. Susokman
6. Wanpela ples long Nu Ailan
7. Isi Tieta i stap long Wewak
9. Ol ailan i stap namel long Morobe na Wes Nu

Briten

11. Wanpela ples bilong ol ami long Mosbi
15. Man Wes Irian ol Indonesia i bin kilim, em Arnold
18. Wanpela pisin i save stap long wara
19. Enimal i save helpim ol man i painim abus
21. Draiva i save holim dispela
23. Amerika i bomim dispela kantri
25. PM i bin skul long hap
26. Tenpela ten
27. Isi
28. Les
29. Mi pulap tru, mi no kaikai moa
33. Ol nambis i save sanapim haus long ol
34. As nating
35. Plantasin long Madang
36. Faivpela i stap long plak bilong yumi

Ansa long pes 21



■ Kanage i go ilimbur na mauswara wantaim sampela wantok long Tabari Ples long Boroko long Mosbi siti na lukim wanpela yangpela meri Tari putim longpela jin trausis, ami slot na stokman su. Na i sanap aninit long wanpela diwai. Kanage lukim dispela meri na ting olsem wanpela man. Tasol em glasim na skelim gut i go na luksave olsem i no man, em wanpela meri. Em nau Kanage kirap na tok strong olsem: Maski, olgeta klos bilong mipela ol man yupela ol meri inapim pinis. Wanpela liklik klos tasol i lep. Ating stat long yia 2000 ol bai putim dispela liklik klos bilong mipela ol man ol i kolim andapens we ol lapun long ples i save kolim kalabus bilong manki Makham wantaim tupela sekuriti gad bilong em. Ol wantok bilong Kanage i harim dispela hap tok na olgeta i lukluk long wanpela na arapela na lap olsem blakbokis i kaikai mau popo na amamas na singaut.

Fun Maker
BIALLA

■ Wanpela taim lapun Kanage i go long stua long painim wanpela andapens: Em sekim ol andapens i go na i no lukim kala bilong andapens we em i laikim. Em nau lapun Kanage wokabaut i go na askim wanpela yangpela meri wok insait long stua: Pikinini, yupela salim ol hapkas kala (kalakala) andapens long stua bilong yupela tu o nogat? Yangpela stuakipa meri ya harim Kanage i askim em olsem na tok: Nogat ya. Mipela i bin salim tasol ol man i kam na baim i go na pinis. Kanage harim meri ya tokim em olsem na em i kros nogut tru. Na kirap tokim meri ya olsem: Inap nau yet yu go tokim bos bilong yu na em i ken putim oda long kisim sampela moa. Bikos ol lain ya i les pinis long slip ausait olgeta de na nait. Kol win na san i mekimsave long ol i go na ol i belhat ya. Meri ya kirap na askim lapun Kanage: Husat dispela iain ya yu toktok long ol? Kanage lap isi tasol na bekim: Na yu askim gen-mi toktok long bikhet kauboi ya wantaim tupela poroman bilong em.

Kauboi Man
VANIMO

□ Papa Kanage putim wanpela geligeli trausis na i go kaikai bual na tok pilai raun long Wewak taun i stap. I no longtaim na wanpela yangpela mama i wokabaut i kam na lukim Kanage i putim dispela geligeli trausis. Em nau dispela yangpela mama ya i lap indal nogut tru na kirap tok: Augustus, man ya putim trausis o wanpela klos we ol lapun meri Saina i save putim na slip long nait. Beksait bilong trausis ya i op olsem dua bilong marit kalambu. Kanage harim dispela hap tok pisin bilong yangpela mama ya na kirap tokim em: Susa, mi no warl long wanem kain trausis mi putim. Olgeta trausis i wankain na wok bilong ol tu i wankain. Bikpela samting i olsem mi haitim na kalabusim dispela longlong blakman ya. Nogut em i stap ausait na mekim planti bikhet pasin na ol pilsman bai arestim na sasim em.

Yava Horituo
WEWAK

Lainim ol samting we bai go hetim gut sindaun long bihain taim

WANPELA pailat prosek long Hohola insait long Mosbi siti i go het nau. Dispela em long givim spesel trening i go long ol sumatin long ol samting we bai helpim ol long go hetim gut laip na sindaun bilong ol long bihain taim. Wanpela helpim grup bilong Jemani ol i kolim long Jeman Developmen Sevis (GDS), na Wimens Divisen wantaim Dipatmen bilong Yut na Hom Afeas i wokbung wantaim long go hetim dispela prosek. Ripota Robert Kaia i bin raun i go long senta na kamap wantaim dispela ripot.

HOHOLA Teknikel Senta i stap long olpela opis bilong PNG Famili Plening senta. Na go hetim ol wok bilong em long hap. Bikpela tingting bilong senta em long go hetim ol trening, wok plen na tingting bilong em olsem tasol em i mekim nau. GDS long Papua Niugini em i han long mama GDS ogenaisesen long Jemeni. Dispela ogenaisena i gat han long 34 kantri long wol. Bikpela wok bilong em em long impruvim sindaun na laip long ol pipel insait long ol dispela kantri. GDS i save provaidim ol fans na wok manmeri taim Hom Afeas Dipatmen i givim helpim mani aninit long baset bilong em long olgeta yia. Wok na ol arapela samting long dispela

senta i go gut tasol bikos ol wok manmeri i wokbung gut na helpim wanpela narapela long mekim wok bilong ol. Antap long skul i wanpela pailat prosek, i luk olsem long bihain taim, Hohola Trening Senta bai i kamap na stap olsem wanpela trening senta. Skul i givim trening i go long ol sumating manmeri husat i pinisim gret 6. No ol ino inap long go hetim skuli go long hai skul. Krismas bilong ol sumatin long senta ya i stap namel long 16 na 21. Na kos ol i wokim i kisim wanpela yia. Senta ya i givim trening long ol sumatin long divelopim na skruim save bilong ol long ol samting we bai ol i yusim long ples na wokples long bihain taim. Bikpela tingting long

kisim ol sumatin meri long dispela senta em long lainim ol long save long pasin bilong kamapim ol gutpela kuk kaikai, bos long sait bilong Hom Ikonomiks i tok. "Em bilong mipela em long painim wok long olgeta sumatin bilong mipela husat i pinisim kos. Long dispela rot ol i ken yusim save ol i kisim na impruvim sindaun na laipstail bilong ol," manesa bilong dispela seksen, Barbara Goehl i tok. Senta ya i gat ol gutpela fasiliti bilong yusim long givim trening long ol manki husat i skul long joineri na metal woksop. Na tu long ol meri husat i stap long kuk na somap klas. Long joineri woksop, ol manki i wokim ol samting olsem olsem sikirap bilong kokonas, sekuriti fons, windua frem na ol arapela samting moa olsem. "Mipela i no fosim ol sumatin long wokim ol samting. Nogat. Mipela i larim ol i wokim ol samting long laik bilong ol. Mipela i laikim ol tasol long bihainim save na ol samting we mipela i skulim ol long senta," GDS voluntia instrakta long skul, Mista Hajo i tok. Long nau, i gat 12-pela sumatin long Metal woksop. Liklik namba olsem em i givim sans ong ol tisa long sekim ol sumatin long ol i go hetim gut wantaim wok bilong ol. Senta i yusim ol nupela masin long helpim ol sumatin long weldim na katim ol waia samting.



• Ol meri i lainim long samapim kolos.

Long sait bilong kuk na somap, i gat ol dram aven na ol arapela samting bilong kuk na somap long en. Ol meri sumatin i laik tru long, skruim save bilong ol long tupela eria ya. Seksen bilong Hom Ikonomiks i gat haus kuk we i gat ol nupela samting long yusim bilong kuk wantaim, olsem long ol arapela restron long kantri na wol. Dispela haus kuk tu i redim ol kaikai bilong lans long ol sumatin na ol arapela kastoma husat i gat laik long baim kaikai long liklik mani. Ol save kukim ol kain kaikai bilong waitman na yumi long PNG wantaim. Wanpela sumatin meri, Leana Kora i tok long dispela senta, em i lainim planti nupela samting we em ino bin gat save long ol bipo. Poromeri bilong em, Haiksy Hareo i wanbel tu antaim em. "Maski sampela long mipela ino inap long kisim wok ausait, ol samting we mipela i lainim long dispela skul bai i helpim tru mipela long sindaun na laip bilong mipela wan wan long ples," Haiksy i tok. Dispela senta i

narakain long ol arapela trening senta bikos em i strongim laik bilong ol sumatin long praktikel trening. Kos bilong ol manki sumatin i karamapim ol samting olsem metalwok, welding, katim na wok wantaim ol metal samting, kapentri na ol arapela wok olsem long wokim na stretim haus. Kos bilong ol meri em long lainim somap na kuk long ol samting bilong kantri yet na ausait. Taim yu go long hap we ol sumatin man i wok long en, yu bai lukim ol samting olsem ol metal wok, welding, ol get lok na ol arapela kain samting moa olsem. Long haus kuk, ol gutpela smel bilong ol kuk kaikai olsem bek bret, hot kopi, kek na ol arapela gutpela kaikai moa olsem i stap. Ol meri i somapim tu ol siot, trausis, pilo na pilokes na ol arapela moa. Senta i save salim ol dispela samting na yusim mani long baim gen ol metiriel bilong skul. Tu long wan wan potnait, ol sumatin i kisim K5 aluwens mani long helpim ol peim bas fe. Ol save kisim fri lans long skul.

Olsem hap long wok ekspiriens, ol sumatin i save kisim wok wantaim ol kampani long siti. Sampela i save laki long kisim ful taim wok wantaim ol dispela kampani bihain long ol i pinisim kos bilong ol.

I kam inap nau, planti long ol sumatin i pinis long dispela senta i holim ol wok long level ol i kisim trening long em.

Bipo senta i kisim ol sumatin long wokim kos, ol i glasim na skelim ol gut. Dispela em long bikpela laik bilong ol long go hetim ol kos long skul.



• Bol ya i lainim masin long woksop.



• Ol meri solim stall kuk bilong ol we ol i save lainim long Hohola Trening Skul.

Olsem olupela taim long Bugandi

Ol olupela studen bilong Bugandi Hai bung long Sarere Novemba 26

PLANTI olupela studen bilong Bugandi Hai skul long Lae i stori gen long skul laip bilong ol bipo long dispela skul taim ol i bin studen. Long las wik Sarere ol i bung gen. Na amamasim wanpela bikpela kaserel de.

John Tungapik, pot menesa wantaim PNG Habas Bod na Anton Taku, sels supavaisa wanaim New Guinea Motors long Alotau i bin olupela studen bilong Bugandi long 1974.

Tupela i salim toksave pinis na kamap long Lae long bung wantaim ol olupela wan-skul bilong tupela.

Toktok bilong tupela i go long ol studen nau i skul long Bugandi olsem, nem Bugandi i sanap long em "Busy Bee Progress". Dispela i min olsem binatang em wanpela

samting we i save wokhat olgeta de. Olsem na skul bilong yupela i no pinis yet. Yupela i kamap namel long rot bilong edukesen olsem na wok hat long skul na yupela i ken kamap long Yunivesiti long bihain.

Isaac Kamong Telue, Maketing Menesa bilong PNG Investment Corporation i bin stap long Bugandi long 1963 i kam inap 1967.

Steven Soro Fareho, ekting asisten rejistra bilong wok solwara wantaim dipatmen bilong Trenspot i tok em i bin skul long Bugandi long 1974 na 1977.

Bill Nagau, konstraksen menesa wantaim Concrete Engineering Pty Ltd long Mosbi. Em i skul long 1965 na 1968. Em i tok Bugandi i kamapim planti bikman na

lida bilong kantri insait long politik, loya, dokta, enjinia, akitekna na planti moa.

Simon Kenehe na olupela Lae Siti Atoriti menesa, Richard Moaitz i bin skul wantaim long 1960.

Goissi Labi, nau Provinsel Plis Komanda long Is Sepik provins na Andrew Baing, husat em minista bilong Trenspot long nesene palamen i bin skul long Bugandi long 1967 na 1970. Simon Kenehe em wanpela namba wan lain bilong statim skul long Bugandi long 1960 taim skul i kisim nem Bugandi Sekenderi Skul wantaim gret 7, 8 na 9.

Bob Brotch Mathai, husat i asisten projek menesa long Wel Pam Industri long Bialla, Wes Nu Briten provins i tok em i tingim yet presiden

bilong Lae Soka Asosiesen (LFA), John Peka long skul de bilong ol. John Peka em wanpela stail manki bilong soka long dispela taim. Em wantaim Peka i bin wanskul long 1969. Na klasrum bilong tupela em 4B.

Yakam Kelo husat em wanpela niusman wantaim Wantok niuspepa long Mosbi i tingim skul de bilong em long Bugandi olsem wapela gutpela skul de bilong em bikos olgeta manki i save poroman gut tru long wok na spot. Yakam i no save lusim tingting long paia rais bilong mes na tok pilai ol i save tok 'Mack' long man husat i save kaikai planti. Yakam i skul long 1984 na pinisim long 1987 taim skul i kisim namba wan lain meri i go insait long wokim gret 7.

Ol senis bilong bipo

BUGANDI Hai skul i bin muv long Dregehafen long Finsafen na go long Lae long 1960 olsem pos praimer skul wantaim gret 7, 8 na 9 tasol.

Namba wan hetmasta bilong skul em Allan Hooper, husat i stap nau long Bulae Intanesenel Hai skul long Lae.

Namba wan tisa husat i bin statim skul em Mista Konda Aisoli, olupela vais sansela bilong UPNG, Dokta Elton Brash na Mista Hooper, husat em hetmasta.

Olpela menesa bilong Lae Siti Atoriti, Richard Moaitz na Simon Kenehe em sampela bilong ol namba wan lain studen long Bugandi long dispela taim.

Mista Hooper i stap wanpela krismas tasol na nupela hetmasta, McFadden i kisim ples bilong em long 1961. Mista McFadden na Hooper i stap hetmasta tasol long wanpela yia.

Jack Amesbury em wanpela longpela taim hetmasta bilong Bugandi. Bikos em i bin stap long 1963 inap long 1972.

Arapela hetmasta husat i bin kamap long Bugandi em; John Pulu long 1973 inap 1976, D Roach long 1980 na 1982, J Piliatalawe long 1987 inap 1989, O Lavaki (1977 - 1978), Don Daniels (1979); R Magtala (1990), B Bega (1991), Mista Grove (1992), R.Pavua (1993 na Terry Riles (1994)

Skul i bin kamapim planti gutpela samting insait long skul na tu long spot. Skul i save pilaim ol planti kain spot olsem basektbal, soka, volibol na ragbi lig.

Wanpela bikpela nius Bugandi i bin wokim em long 1976 taim Bugandi i winim primiasip taitel bilong Lae soka resis insait long primia divisen.

Bugandi i bin bungim nambawan bikpela senis insait long laip bilong skul long 1987 taim skul i kisim nambawan lain meri i kam long wokim gret 7 bilong ol wantaim ol manki.


1960 i kam, Bugandi em skul bilong ol pikinini man tasol.

Namba wan hetmasta bilong skul

ALLAN Hooper i bin namba wan tisa long kirapim Bugandi Hai skul i kamap bikpela na sanap tude.

Em bin kamap long PNG long 1957 bihain long em i pinisim skul bilong em long Sidni Yunivesiti, Bathurst Tisa Koles na Australia skul bilong Pasifik Edministresen.

Em i bin go long Nu Allan na stap tupela krismas pastaim long ol i salim em i go long Lae, na kirapim Bugandi Hai skul. Taim em lusim Bugandi Hai skul, ol i salim em i go gen



Mista Allan Hooper long Kerevat Hai skul na bihain em i kamap Eria Edukesen Opisa long Is Nu Briten na Nu Allan provins. Pastaim long PNG i kisim independens, em i bin kamap namba tu long Australia Skul bilong Pasifik Edministresen.

Stat bilong Bugandi long namba wan yia

BUGANDI Haiskul i bin kamap isi isi tru long stat bilong skul long 1960 bikos ol kapenta i wok long wokim ol klasrum yet, sampela studen i no kamap long skul yet na ol skul saplai tu i no kamap hariap.

Tasol bihain, ol studen i wok long kamap long skul na mipela i gat 80 studen long gret 7, 8 na 9. Ol i kam long planti hap bilong Morobe provins na tu long arapela hap bilong Papua Niugini.


Sapalai bilong skul i kam long gavman stua tasol sampela i bin lus olsem na mi go long Lae Teknikel Koles na kisim sampela buk, pensil, sok na toilet pepa na mipela mi statim skul.

Tupela nambawan tisa bilong Bugandi em; Mista Konda Aisoli bilong Nu Allan, husat i bihain wok wantaim Yunaitet Nesens Oge-naisesen, na i bin Edukesen Inspekta inap taim em i dai. Pikinini meri bilong Mista Aisoli em wanpela tuta long Yunitek long Lae.

Narapela nambawan tisa bilong Bugandi tu em, Elton Brash husat i kamap Vais Sansela bilong UPNG na nau i stap wantaim Yunivesiti Komisn long Australia. Meri bilong em Misis Nora Vagi Brash em wanpela biknem meri husat i save raitim ol buk.

Mipela i klinim liklik eria inap long wokim tupela dabol klasrum, tripela dometori bilong slip na tripela haus bilong tisa. Nau ol kuk bilong skul i slip long ol dispela haus bilong ol tisa ya.

Ol studen i wok hat tru long stretim rot



• Gret 9C studen bilong Bugandi Haiskul long 1986. Lukim gut bal yu ken lukim Wantok ripota Yakam Kelo i sindaun long namel.

bilong ka i go insait long skul graun, wokim pilai graun na baret bilong wara i ron bihainim bikos dispela taim i gat bikpela ren na ples i bagarap olgeta.

Wanpela bikpela hevi bilong ren i kamap taim bikpela wanpela bikpela ka i karim ol kago i go insait long skul na pas long graun malumalum.

Bikos long ol kain hevi bilong ren na wara i save tait na i kam insait longn skul, mi raitim pas i go long distrik skul inspekta, Bill Dobbyn na Dairekta bilong Edukesen, Mista Roscoe long sensim nem bilong skul, Not Lae Post Praimeri Skul i go long Bugandi Haiskul.

Bugandi em nem bilong wanpela wara we i ron long Lae Golp Klapp i kam long skul graun. Na tu mi harim olsem Bugandi em tokples nem bilong hap ples we i gat wara na tais we ol asples

manmeri i save laikim long planim taro long en.

Olsem na tupela bikman bilong Edukesen ya i oraitim pas bilong mi na mipela i senisim nem bilong skul i go kamap Bugandi. Tasol no gat wanpela bikpela senis i kamap yet long stretim bikpela baret bilong ronim wara insait long skul graun.

Long dispela taim, nambawan So bilong Morobe Provins i laik kamap. Olsem na mipela ol lain bilong Bugandi i redi tu long putim wanpela singsing bilong mipela. Mista Aisoli i go pas long lainim ol studen long singsing; "O Lord my God, when I in awesome wonder". Mi no save lusim tingting long dispela samting we mipela long Bugandi i bin mekim long nambawan Morobe Provinsel So.

Mipela i no gat wan-

pela gutpela sain o disain long makim olsem mipela em Bugandi studen. Ol manki i sindaun long klasrum na stat droim ol piksa i go na mipela i makim piksa bilong wanpela manki Samarai, Cesar Saulea. Em i droim piksa bilong Binatang bikos binatang i save wok hat tru na i save kamapim samting. Nem mipela i putim bihainim piksa bilong Binatang em Progress.

I gat hevi long ol buk na lesen bilong lainim ol studen long en bikos ol opisa long edukesen opis i no save stretim gut ol lesen plen o program bilong skul i bihainim. Long dispela as, i no gat inap buk bilong ritim na long rait tu. Ol studen i amamas long lainim samting na ol i save wok hat tru long lainim ol samting long skul. Ol i save tokim mipela ol tisa stret long wanem samting ol i laikim long i mas lainim moa.

Skul i gat ol studen husat i stap insait long krismas aninit long 20 na i kam daun. Dispela taim tu mipela i salim wanpela studen i go long Australia long resis insait long sutim bunara. Studen ya i gutpela tru long dispela spot na i mekim bikpela nem tru bilong Bugandi long dispela taim.

Long dispela taim, nupela hetmasta i kam insait long kisim ples bilong mi long skul. Nupela hetmasta ya em; Des Meisker. Mi go gen long Kerevat skul nau ol i kolim Kerevat Nesene Haiskul na wok tisa long hap. Bihain long Mista Peisker, Mista Jack Amesbury i kamap hetmasta gen.

Mi save oltaim amamas bikos long wok bung wantaim na sapot mipela i gat long kirapim Bugandi haiskul i kamap nau.

SKRUIIM TOK ANSA



Tupela manki Buin kisim top skul mak

DANIEL MONA i raitim

TUPELA manki Buin i winim olgeta gret 10 sumatin long kantri long kisim top mak long saiens.

Nem bilong tupela em Raymond Kakaponi na Peter Tsiperau. Ol i skul long De La Salle hai Skul long Bomana, ausait tasol long Mosbi. Narapela tupela sumatin husat i kisim top mak tu em Henry Luna bilong Hagen Hai wantaim Jerry Hayaku bilong Lumi Hai skul, Sandaun provins.

Raymond husat i kamap namba wan long winim olgeta sumatin long kantri long saiens i bin stap long hevi long Bogenvil. Em i bilong Buin long Saut Bogenvil. Em i las long ol sumatin long lusim Buin Hai skul long 1989 taim olgeta sumatin i ranawe lusim skul.

Raymond i no skul long tupela yia. Tasol long 1991, em i bihainim deputi hetmasta long Buin Hai skul, Thomas Usu na kisim sip i go long Rabaul. Em

no toksave long ol papamama olsem em i lusim ples long dispela taim.

Bihain long em i kamap long Rabaul, em i salim toksave long ol papamama olsem em i stap long Rabaul na em bai kam long Mosbi long lukim wanpela susa bilong em husat i stap long hia. Em i laki long painim spes long De La Salle Hai Skul na kontinu wantaim skul bilong em long hap. Maski bikpela hevi i stap long Bogenvil na em i no skul long tupela yia, em i wok hat na kisim prais olsem top manki long olgeta gret 8 long 1992. Antap long dispela em bin kisim prais long kamap gut tru long saiens. Long las yia tu, em i go het na winim ol prais.

Raymond i tenkim ol saiens tisa bilong em, moa yet, John Wanembo na Mista Wahe long givim taim bilong ol long helpim em i kisim gutpela save na kamap top sumatin. Em i tok long De La Salle Hai, wokbung namel long ol tisa na sumatin i gutpela tru. Ol tisa i redi tasol long helpim ol sumatin long ol

hevi. Olsem ol sumatin i save kisim gutpela mak long ol tes bilong ol.

Taim Raymond i kam long De La Salle, wanpela bilong em na narapela top sumatin, John Tsiperau i helpim em gut tru long ol skul wok. Bikos em bin kamap foapela wik let long skul. "Sapos mi riskim laip bilong mi long kam long Mosbi na skul, mi mas wok hat na traim bes bilong mi. Bikos mi no tok gutbai long papamama bilong mi taim mi lusim ples," Raymond i tok.


John Tsiperau i bilong Buin tu. Em i kirap nogut tru taim em i harim long wanpela poroman bilong em long siti olsem em i winim awod long kamap namba wan sumatin long PNG. Na taim em i go long skul, hetmasta, Leo Maia i konpemim dispela samt-ing long en.

"Saiens em i feveret sabsek bilong mi long skul. Mi laikim bikos mi save bungim amamas long lainim ol samt-ing i kamap taim yumi no ekspektim," John i tok.



• Long lephan i go long rait em Peter Tsiperau ba Raymond Kakaponi. Man i sanap long baksait bilong Raymond em hetmasta, Leo Maia na narapela tisa.

Baibel Baptis Sios givim gutpela laip long ol yangpela



• Ol yangpela bilong Baibel Baptis Sios long 6 Mail long Mosbi.

Kas bilong Henry 'aisblok man'

ADDY LAVAKS i raitim

BISNIS bilong wokim aisblok na salim insait long Wewak taun long Is Sepik provins i bin stat long 1975. Wanpela man bilong Siasi long hap bilong Morobe provins i bin statim dispela liklik bisnis. Nem bilong dispela man Siasi em Simon Namean. Simon i bin kirapim na strongim bisnis bilong wokim aisblok na salim long 10t. Liklik bisnis bilong em i ron long 10-pela yia olgeta. Tasol long namba 10 yia (1985), Simon i stapim dispela aisblok projek bilong em. Long dispela taim, wanpela yangpela man, nem bilong em Henry Marapi bilong ples Pasam klostu long Wewak taun, i bin skul long Finsafan Vokesinel Senta. Em i skul long pasin bilong wokim na salim aisblok. Henry i skul long 1978 i kam inap long 1979.

Henry i pinisim skul na go long Wewak long kirapim bisnis bilong wokim aisblok na salim. Tasol em i luksave olsem i gat wanpela man i kirapim pinis dispela wok. Na em i gat tingting long kirapim. Dispela i no kilim o daunim tingting bilong Henry. Em tu i kirapim aisblok projek bilong em na resis wantaim

Simon i go inap Simon i stapim projek bilong em long 1985. Dispela nau i givim sans i go long Henry long go het gut wantaim liklik bisnis wok bilong em.

Henry i statim projek bilong em long 1980. Henry i kisim ol manki long ples bilong em husat i nogat wok long helpim em. Dispela em long helpim ol long kisim liklik wan siling. Na tu long helpim ol long abrusim pasin bilong kamapim ol bikhet pasin insait long ples na komyuniti.

Em i save senisim ol manki save wok wantaim em long olgeta tripela mun. Bihain long tripela mun, em i save kisim ol nupela lain manki long wok wantaim em. Dispela i givim sans i go long ol manki long ples bilong em long wok wantaim em long kisim liklik mani.

Taim em i statim projek i kam inap long nau yet, em i bin i gat 4-pela ka long helpim em long karim aut wok bilong em. Bikpela wok em long yusim ol ka long salim aisblok. Projek bilong Henry i save helpim tu wok bilong spot insait long provins. Long 1989 projek bilong em i sponsaim wanpela soka klab, Wewak Yunaited insait long Wewak Soka Asosiesen.

RODNEY KAMUS i raitim

INSAIT long 5-pela yia bilong Baibel Baptis Sios long 6-mail i stap, moa long planti yangpela manmeri bilong ol ples insait long siti i painim gutpela pasin taim ol i joinim yut grup bilong dispela sios.

Na tu planti manki na meri em krismas bilong ol i no abrusim 18 yet. Na i gat wanwan tasol em krismas bilong ol i antap long 18.

Ol i kam long kainkain hap bilong Papua


Niugini. Tasol taim ol i painim Jisas Kraus long lewa bilong ol, ol i bung wantaim.

Dispela em liklik stori we yut lida bilong Baibel Baptis Sios bilong 6-mail i bin stori long Wantok long amamas bilong em, taim em i lukim olsem planti raskol manki husat i save raun na mekim bikhet pasin i painim nupela laip.

Johnny Sapu husat i gat 18 krismas na i

bilong Morobe i pilim olsem em i yangpela tumas long holim dispela wok olsem yut lida bilong Baptis Baibel Sios long 6 mile. Tasol em i tok olsem pawa bilong God i save helpim em olgeta taim long mekim wok bilong em.

Em i tok olsem taim yut grup bilong ol i stat long 1989, wanwan yangpela i joinim. Na taim ol i painim Jisas Kraus long laip bilong ol, planti moa i kamap na bihain pulim poroman bilong ol long kam tu.





Big Bro REBO



Spak MAIK



LOWER PRICES



777 MACKEREL IN OIL
150z WERE K1.82
K1.52



RAMU SUGAR 500G
WERE .77t
.62t



ILIMO CHICKEN SIZE:10
WERE K4.07
K3.47



TULIP PORK LUNCHEON MEAT 340G
WERE K1.48
K1.27




COLD POWER 200G
WERE .71t
.65t



CHOICE PIECES 900G
WERE K3.28
K2.85



CADBURY ASST'D CHOCOLATES 55G
WERE K1.07
.75t



AXION DISH WASHING PASTE 200G
WERE .73t
.67t




LAMB PIECES
WERE K1.56
K1.00



FLAME PLAIN FLOUR 10KG WERE K5.32
K4.77



TRUKAI WHITE RICE 2KG WERE K1.48
K1.13



ENGLISH CABBAGE
WERE K1.43
K1.39

SPECIALS AVAILABLE UNTIL 2-12-1994

TRADING HOURS
MONDAY 8:30am to 6:30pm
TUESDAY 8:30am to 6:30pm
WEDNESDAY 8:30am to 6:30pm

erima 
SUPERMARKET

THURSDAY 8:30am to 6:30pm
FRIDAY 8:30am to 7:00pm
SATURDAY 8:00am to 6:30pm
SUNDAY 9:00am to 1:00pm

MUSIK NA TELEVISEN

PAPUA NIUGINI

Narapela nek gen bilong Fins kam aut long Walter Bay studio



•Eric Hau, Dick Muba na Ronny Bosanu i sanap wantaim ol narapela yangpela husat i bin helpim ol long mekim dispela kaset.

RODNEY KAMUS i raitim

MOIMO! em wanpela singsing i stori long wanpela yangpela man long ples Finsafen insait long Morobe provins.

Sista bilong em i bin go long narapela ples na i laik marit. Na ol lain bilong yangpela man ya i salim em i go long dispela ples na kisim susa bilong em i kam bek. Tasol sista bilong em i les long kam bek. Na taim boi ya wan i kam bek long rot, bikpela diwai i bin pundaun na kilim em.

Dispela sore singsing i stap long wanpela nupela kaset bilong ol mangi Finsafen husat i save stap long Tent Siti long Lae. Nem bilong dispela ben em Bujame Ben, husat i autim namba wan kaset bilong ol long Trinde wantaim planti gupela regae singsing long stail bilong ol Finsafen yet.

Ronny Bosanu na Eric Hau em tupela mangi Finsafen husat, i save gat bikpela laik tru olsem ol i mas

katim wanpela kaset. Long wanem tupela i gat planti gupela singsing i stap.

Orait long mun Septemba, bihain long ol i bin pilai raun nabaut long Lae, tupela i mekim demo na salim i kam long Walterbay studio long Mosbi.

Tupela i kisim tokorait long katim singsing na wantaim helpim bilong papa bilong Ronny, tupela i kamap long Mosbi long katim kaset bilong tupela.

"Kaset bilong mipela i gat planti singsing bilong Finsafen yet. Sampela mipela i raitim

na sampela em ol tokples singsing mipela i pilaim long pawa ben. Olgeta singsing em ol regae singsing tasol," Eric i tok.

Tasol wanpela singsing insait long dispela kaset bilong tupela we i luk olsem bai mekim bikpela nois liklik em ol i kolim DaungDaung long tokples Finsafen.

Dispela singsing i bilong ol yangpela stit mangi husat i save laik raun long taun na smokim mutrus o rol spia. Singsing ya i ol i raitim long wanpela mangi, nem bilong em Tulgoik.

Mangi ya i bin sindaun arere long rot na smokim mutrus na ol i mekim dispela singsing.

Sif enjinia bilong Walterbay Studio, Terry Kapi i tok dispela singsing em i naispela stret long ol yangpela.

"Insait long kaset bilong tupela, mi lukim olsem dispela singsing em i gat kik long em, olsem na tupela bai mekim wanpela vidio klip long dispela singsing," Kapi i tok.

Ol narapela singsing insait long kaset we ol i raitim i stori long pasin bilong ol yangpela. Na ol arapela singsing em long tokples bilong ol yet long Finsafen.

I KAM LONG Ela Motors OL WIL BILONG NESEN



AMERICAN TOP FORTY

AS AT 05/11/94

CUR.	TITLE	ACT NAME
1.	<i>I Swear</i>	All-4-One
2.	<i>Don't Turn Around</i>	Ace Of Base
3.	<i>I'll Remember</i>	Madonna
4.	<i>You Mean The World To Me</i>	Braxton
5.	<i>Stay (I Missed You)</i>	Lisa Loeb
6.	<i>Mr Jones</i>	Counting Crowe
7.	<i>If You Go</i>	Jon Secada
8.	<i>Baby I Love Your Way</i>	Big Mountain
9.	<i>Any Time, Any Place</i>	Janet Jackson
10.	<i>Anytime You Need A Friend</i>	Mariah Carey
11.	<i>Return To Innocence</i>	Enigma
12.	<i>The Most Beautiful Girl</i>	Prince
13.	<i>I'll Take You There</i>	General Public
14.	<i>The Sign</i>	Ace Of Base
15.	<i>Moving On Up</i>	M People
16.	<i>Misied</i>	Celine Dion
17.	<i>Shine</i>	Collective Soul
18.	<i>Wild Night</i>	Mellencamp
19.	<i>Crazy</i>	Aerosmith
20.	<i>Found Out About You</i>	Gin Blossoms
21.	<i>I'm Ready</i>	Campbell
22.	<i>Until I Fall Away</i>	Gin Blossoms
23.	<i>Can You Feel The Love Tonight</i>	Elton John
24.	<i>Always</i>	Erasure
25.	<i>Back And Forth</i>	Aslyyah
26.	<i>Come To My Window</i>	Melissa Etheridge
27.	<i>Prayer For The Dying</i>	Seal
28.	<i>Beautiful In My Eyes</i>	Joshua Kadison
29.	<i>Whatta Man</i>	Salt-N-Pepa
30.	<i>Meat</i>	B.C. 52s
31.	<i>Objects In The Rear View</i>	Meat Loaf
32.	<i>Regular Thang</i>	Ovis
33.	<i>Mmm Mmm Mmm Mmm</i>	Crash Test Dummies
34.	<i>Losser</i>	Back
35.	<i>I Wich</i>	Gabrielle
36.	<i>Without You</i>	Mariah Carey
37.	<i>Centsloop</i>	Us3
38.	<i>Now And Forever</i>	Richard Marx
39.	<i>Ain't Got Nothing If You</i>	Richard Marx
40.	<i>Fall Down</i>	Toad The Wet

EMTV TELEVISEN

THURSDAY 1ST DECEMBER,

4.57	STATION OPEN
5.00	INT NEWS (G)
5.30	DAY BREAK NEWS (G)
6.00	TODAY SHOW (G)
8.00	SESAME STREET
9.00	STATION CLOSE
1.12	STATION RE-OPEN
1.15	MIDDAY SHOW
3.00	KIDS KONA (G)
	SESAME STREET
4.00	THE PERILS OF
	PENELOPE PITSTOP
4.30	HOT SCIENCE
5.30	HOME AND AWAY (G)
6.00	NATIONAL EMTV (G)
	NEWS
6.30	A CURRENT AFFAIR (G)
7.00	SALE OF THE
	CENTURY (G)
7.30	LOTTO DRAW (G)
7.33	NEIGHBOURS (G)
8.00	FIZZ (G)
9.05	THE SMALL BUSINESS
	SHOW
9.30	OUR HOUSE LOOKING
	GOOD
10.30	SPECIAL ON AIDS
10.50	COUNTRY PRACTICE
12.00	NATIONAL EMTV

NEWS REPLAY

12.27	MEDITATION WITH
	PASTOR WALO ARNI
12.30	STATION CLOSE
	FRIDAY 2ND DECEMBER, 1994
4.57	STATION OPEN
5.00	ITN NEWS
5.30	DAY BREAK NEWS
6.00	TODAY SHOW (G)
8.00	SESAME STREET
9.00	STATION CLOSE
2.51	STATION OPEN
2.54	EMTV TOKSAVE
3.00	KIND KONA
3.30	CRICKET
6.00	NATIONAL EMTV NEWS
6.30	A CURRENT AFFAIRS
7.00	THE NEW SALES OF THE
	CENTURY
7.28	LOTTO DRAW
7.30	MAZDA JACK
8.30	CRICKET
9.00	MINI SERIES:
	LONESOME DOVE
10.30	MATLOCK
11.57	MEDITATION WITH
	PASTOR WALO ARNI
12.00	STATION CLOSE

SATURDAY 3RD DECEMBER,

11.02	STATION OPEN
11.05	JOURNEY TO THE WEST.
12.00	SURF LEAGUE TITLE
3.00	DOCUMENTARY
4.00	BONANZA
5.00	BEYOND 2000
6.00	NATIONAL EMTV NEWS
6.30	MOVIE
8.00	NCDC NEWS
8.30	BURKE'S BACKYARD
9.30	HEY HEY BY REQUEST
10.30	GILLETTE
11.00	HAWAII 5-0
12.00	NATIONAL EMTV
	NEW REPLAY
12.27	MEDIATION WITH
	PASTOR WALO ARNI
12.30	STATION CLOSE
	SUNDAY 4TH DECEMBER, 1994
6.52	STATION OPEN
6.52	CHIT CHAT WITH SIR
	PAULIAS MATANE
7.00	BUSINESS SUNDAY
8.00	SUNDAY
10.00	SPECIAL
10.30	MOVIE
12.20	CRICKET
4.00	18 FOOT SKIFF RACING
4.30	CRICKET



6.00	NATIONAL EMTV NEWS
6.30	CRICKET
8.30	SING WITH JOY
9.00	SUNDAY NIGHT MOVIE
	"Power"
10.45	CHIT CHAT WITH SIR
	PAULIAS MATANE
10.48	EMTV TOKSAVE
10.50	CHURCH MAGAZINE
11.30	NATIONAL EMTV NEWS
	REPLAY
11.57	MEDITATION WITH
	PASTOR WALO ARNI
12.00	STATION CLOSE

PNG TOP TWENTY

AS AT 26/11/94

NO.	SONG	ARTIST
6 (1)	<i>Rabaul Town</i>	Barike
1 (2)	<i>My Love</i>	L. Kania
2 (3)	<i>Manus Island</i>	Keni Lucas
4 (4)	<i>Sepik Meri</i>	Basil Greg
5 (5)	<i>Tapalan Ti Mosbi</i>	Keni Lucas
3 (6)	<i>Santu Teresia</i>	P. Pomahun
8 (7)	<i>Everything I Own</i>	K. Lucas
7 (8)	<i>Kolwin</i>	L. Kama
9 (9)	<i>Solowara Wasim</i>	P. Pomahun
10 (10)	<i>Sare Sare</i>	Shutdown
11 (11)	<i>My Bougainville</i>	Dapsy Yapuc
13 (12)	<i>Kure Maina Akoa</i>	Greg/Telck
19 (13)	<i>Feiva Feiva</i>	Hitsy Golou
12 (14)	<i>Sidrun I Bagarap</i>	Sauga Band
14 (15)	<i>Cowboy CountryA.</i>	Herove/K.Walters
0 (16)	<i>Ebony & Ivory</i>	Bowman/Wong
17 (17)	<i>Local Turist</i>	C. Kuskus
0 (18)	<i>Island Bougainville</i>	Crow 5
18 (19)	<i>Lukluk Raon</i>	L. Kania
0 (20)	<i>Spirit Of Peace</i>	Cotton 22

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Kaikai no sot long Malol, Arop na Sisano

GODFRIED YASSAFAR i raitim

KAIKAI na pinisim, no ken hapim. Nogut bihain bai yu go long ples bilong yu na tokim ol wantok na lain bilong yu olsem ples Malol, Arop Waropu na Sisano i nogat kaikai. Dispela em wanpela hap tok ol pipel bilong Maiol, Arop, Waropu na Sisano long Aitape, Wes Sepik provins, i save tokim wanpela nupela man o meri husat i go na stap long wanpela bilong dispela 4-pela ples. Wanpela man o meri ken tok pisin na tok olsem em i wanpela man o meri bilong kaikai. Long ples bilong em, em i ken tok olsem em i ken kaikai 4-pela plet kaikai. Em i ken tok olsem em i wanpela man o meri bilong kaikai pis bilong solwara o tulip bilong bus. Sampela taim em bai tok olsem em i ken kaikai na pinisim 7-pela o 8-pela saksak ol i fraim long en. Sapos yu wanpela man

o meri husat i save mekim kain toktok olsem long hapim nem bilong yu olsem yu fit long kaikai o holim taitel long kaikai, plis tru mi askim yu long go long wanpela bilong ol 4-pela ples antap. Nogut yu stap long ples bilong yu tasol na yu liptimapim nem bilong yu. Traim na go long wanpela bilong ol dispela ples na skelim tok pisin bilong yu. Nogut tok pisin bilong yu bai krangi na bel bilong yu bai pulap long tupela plet kaikai tasol. Na ol pipel bilong Malol, Arop, Waropu o Sissano bai tokim yu long kaikai moa moa yet i go inap bel bilong yu i solap olsem wanpela balun ol i winim pinis long en. Tru tumas, yu toktok long lukautim gut na givim inap kaikai long man o meri bilong arapela ples i kam stap wantaim yu o long ples bilong yu, dispela pasin i stap long ol



• Tripela Sacred Heart Bruda i ron long spit bot bihainim baret wara i go long ples Arop. Long raitan em Bruda Simon Ako bilong ples Malol, long lephan em Bruda Norbert Belish bilong Madang na man i lukautim stla bilong bot em Bruda Judth Kawire bilong ples Arop. Foto: Godfried Yassafar.

pipel bilong dispela 4-pela ples. Sapos yu go long wanpela bilong dispela ples, ating yu

bai lusim tingting olgeta long ples bilong yu. I no long wanem, bikos long kain gutpela

pasin bilong ol long rispektim yu na lukautim yu olsem wanpela wantok, wanpinis o famili memba bilong ol. Sapos yu wanpela man o meri bilong kaikai buai o smok, plis yu mas stap isi tasol. Bikos ol bai askim yu: Yu save kaikai buai o nogat? Sapos yu tok yes ya, ol bai tok: Em ya, buai na daka i stap. Kisim na kaikai. Wankain tu long sapos yu wanpela man o meri bilong smok. Sori tumas, mi no tok klia long dispela 4-pela ples i stap long wanem kain hap tru. Olsem na bai mi go het na tok klia.

olgeta long Arop, Waropu na Sisano. Sapos yu les long bihainim baret wara, yu ken ron antap long solwara. Em laik bilong yu tasol. Long sait bilong Malol, bikpela hap bilong dispela ples i stap long bikples na liklik hap i stap long dispela longpela hap graun i olsem wanpela longpela ailan. Toktok long kaikai, olapukpuk! mama mia! Ol bai mekimsave long yu ya. Long moning (brek-pas), yu bai kaikai fraim saksak, saksak ol i tanim long hot wara na i gat pis na ol arapela abus na tulip bilong bus. Bihain long dispela, yu bai klinim

olsem yu bai slip long 7 klok o hap pas 7 long nait. Bikos ol bai kukim rais tu long apinun. Bikpela samting i olsem yu bai no inap kaikai long famili go stap wantaim ol tasol. Ol arpela famili husat i stap klostu long dispela famili bai kisim' kaikai kam. Sapos yu pulap, ol bai tokim yu olsem: Lusim i stap. Long nait yu angre orait yu ken kaikai.

Maski, nogut mi toktok moa moa yet na yu ting olsem mi wok long mauswara. Moabeta yu yet go na skelim tok pisin bilong mi.


Nogut yu go kamap long wanpela bilong dispela 4-pela ples na pasin bilong ol pipel long welkamim man, lukautim man, na pasin bilong mekim yu stap long ples bilong ol wantaim amamas bai banisim tingting bilong yu. Na yu bai lusim tingting olgeta long ples bilong yu. Na yu bai kamap olsem wanpela man bilong wanpela bilong dispela ol ples.

Planti manmeri husat i go na stap pinis long wanpela bilong ol dispela ples i tok olsem wanpela samting tasol i mekim ol i wari taim ol i laik lusim dispela ples na go bek long ples bilong ol. Dispela samting ol i tokaut em pasin bilong ol pipel long lukautim ol manmeri bilong arapela ples husat i go na stap long ples bilong ol. Ol i tok i tru olsem ol i save tokim mipela long kaikai ol kaikai na pinisim.

Tru tumas, yu toktok long lukautim gut na givim inap kaikai long ol man o meri bilong arapela ples i kam stap wantaim yu o long ples bilong yu, dispela pasin i stap long ol pipel bilong dispela 4-pela ples. Sapos yu go long wanpela bilong ol dispela 4-pela ples, ating yu bai lusim tingting olsem long ples bilong yu.

Ol ples ya i stap long wes kos bilong Aitape taun. Malol i stap pas, bihain Arop, Waropu na Sissano. Wanpela liklik maus wara i katim Waropu na Sissano. Malol, Arop na Waropu i stap long wanpela longpela ailan. Mi tok ailan bikos long wanpela sait em solwara i stap na long hapsait em wara. Wara ya i no wankain olsem ol wara i save ron. Nogat. Dispela em ol baret wara we i moa wankain olsem ol baret wara. Yu ken kisim spit bot long Malol na bihainim dispela wara na go

maus wantaim wanpela kap ti o kopi. Long belo, kaikai bai no inap planti tumas. Tasol long apinun, yu bai painim hat tru long pinisim. Mi tok pinis ya, maski yu pulap, ol bai tokim yu long kaikai na pinisim. Long sait bilong pis, i no wanpela o tupela ol bai putim long plet bilong yu. Tingim, ol bai putim samting olsem 4-pela o 5-pela. Tulip bilong bus, ol bai putim long arapela plet na i no long plet i gat saksak long en. Sapos i gat rais, tinpis na tinmit long tred stua, i luk



Yu ken halivim skul bilong pikinini bilong yu long kisim fri skul saplai long 1995!

Taim yu baim ol samting long ALU SIGNS olsem pen, buk, raba, rula na ol samting bilong skul long pikinini bilong yu i ken kisim i go bek long skul long neks yia, prinim nem bilong skul pikinini bilong yu i skul long en long beksait bilong risit na putim risit pepa ya long wanpela bokis long stua. Long pinis bilong dispela promosen long 18 Februari, 1995 bai mipela i bungim ol risit ya na lukim wanem skul i gat planti nem long beksait bilong risit. 10 pesen (%) bilong skul risit ya bai helpim skul bilong pikinini bilong yu long kisim fri skul saplai long ol samting skul i sot long en. Ol samting olsem siok, pepa bilong rait na ol arapela moa.

ALU SIGNS i bin helpim Papua Niugini wantaim gutpela prais na ol gutpela opis na skul saplai moa long 20 krismas olgeta. Baim ol gutpela samting yu laikim na helpim skul bilong pikinini bilong yu.

BAIM OL SKUL SAPLAI BILONG PIKININI I KISIM I GO BEK LONG SKUL LONG ALU SIGNS.

Olgeta samting bilong yusim long skul...

ALU SIGNS

P.O BOX 7081, BOROKO. PH: 25 4600. FAX: 25 0019
STORE NEAR BOROKO POLICE STATION.

Pis seremoni long Buka ailan

VERONICA HATUTASI | raitim

WANPELA pis seremoni i bin kamap long Buin long dispela wik Tunde, Novemba 29.

Pis seremoni ya i kamap long hap bilong Baubake Eria Kaunsil bilong ol Sief. Dispela eria i karampim 15 ples klostu long Buin taun na ol dispela long nambis eria. Na namba bilong ol pipel long dispela eria i winim moa long 5 tausen pipel.

Long namba wan taim, seremoni ya i bungim bek gen moa long 500 pipel husat i kamap birua na egensim wanpela narapela insait long faivpela yia long ol hevi long Bogenvil.

Orait, long pis seremoni bilong Tunde, moa long faiv handret pipel long Baubake ACC we i karamapim ol memba long Bogenvil Revoluseneri Ami, ol resiten paita, ol memba bilong sekyuriti fos na ol man nating i bung wantaim long kamapim wanbel pasin na sekan. Dispela seremoni i kamap long Buin taun. Ol pipel yet i bungim mani long wokim seremoni ya, maski ol no kisim helpim wantaim mani long gavman o interim atoroti. Bikos ol yet i laikim tru long gutpela sindaun i kamap bek long ples bilong ol.

Wanpela mausman long Telei Interim Atoriti long Buin, Steven Kakata i tok bihain long sispai na gavman na ol lida bilong Bogenvil Revoluseneri Ami i tokaut long em long mun Septemba bilong dispela yia, sampela eria long Buin i holim pinis ol pis seremoni. Na dispela long Tunde em i wanpela bikpela seremoni tru we ol grup husat i stap long hevi i bung wantaim long kaikai na sekan bihain long ol i wokim wanbel pasin.

Long sait bilong lusim ol samting bilong pait, Mista Kakata i tok dispela em i samting bilong ol lain long pait yet bai i stretim long laik na taim ol yet i makim.

Ol lidaman husat i bin stap long seremoni em long tupela Bogenvil nesanel palamentarien olsem Rijonal MP, John Momis na Saut Bogenvil MP, Michael Laimo. Nesanel Helt Minista, Peter Barter na sampela moa bikman long gavman i bin stap tu long dispela seremoni. Ol i kisim sata balus i go long Buka. Na long Buka, ol i kalap long Hevi Lift helikopta na plai i go long Buin.

Long Mista Momis, em i nambawan taim bilong em long krugutim asples bilong em long Buin bihain long faivpela yia. Ol pipel i amamas long lukim tupela memba bilong ol na ol arapela bikman husat i kam wantaim ol long stap long dispela seremoni. Long wankain taim tu, kandim long ol kea senta pipel long 15-pela kea senta long Buin i go antap long 27 tausen pipel. Dispela em bihain long sispai na Bogenvil Pis Konprens long Arawa long mun Oktoba. Na nau, planti pipel i wok long kamaut yet, lusim bus na kam long ol kea senta. Tasol taim ol dispela samting ino kamap yet, namba bilong ol pipel husat i stap long ol kea senta long Buin i stap long 20 tausent.

Mista Kakata i tok ol i givim ol pipel tupela mun long klinim ples bilong ol. Bihain long ol i kisim helpim long stretim tingting na sindaun bilong ol, ol iken go bek na sindaun gut long ol wan wan ples bilong ol.

Long nau yet, sindaun na wokabout long Buin i go gut tasol. Nogat pait o belhevi i kamap namel long ol pipel, ol lain BRA, ol resiten paita na ol sekyuriti fos memba. Olgeta i wokbung wantaim nau long bringim gutpela sindaun i go long ol pipel bilong ol. Bikos ol i les pinis long pait we i stap pinis long planti yia na bagarapim tru sindaun bilong ol pipel long olgeta hap bilong Bogenvil.

Em i tok tu olsem maski kaikai i sot, ol pipel inap long painim liklik kaikai bilong ol long bus. Na ol inopainim bikpela hevi



• Wanpela lain meri i singsing na danis long long las wik long bikpela bung long Buin.



• Ol yangpela meri Buka tu i amamas long las wik bung na joinim wantaim long singsing.

long hangre. Bikos long nau, ol i gat fridom long raun long laik bilong yet. Ino olsem pastaim we ol ino inap long lusim ol kea senta na raun long ol narapela hap. Nau ol i ken go aut na wokim ol gaden kaikai bilong ol long ples o long wanem hap ol i laik long en.

Tasol tupela samting we ol i sot yet long ol em klos na marasin. Mista Kakata i tok sikspla mun i lus pinis na oda bilong ol marasin

we ol i putim long dispela taim ino kam yet. Long sait bilong skul, planti komyuniti skul long Buin distrik i op pinis. Tasol ol dispela i stap long ol maunten bilong Wisai i pas yet. Buin Hai skul bai i opim tru nomol klas long neks yia. Tasol pastaim ol mas stretim saiens leb we ino gat ol samting ol i nidiim long go hetim ol saiens lesen. Planti ol klasrum na ol arapela samting i bin kisim bikpela bagarap long taim bilong bikpela hevi long Bogenvil.



• I no qisko. Em tumbuna singsing na danis bilong ol lain long Buin long Buka ailan. Ol i holim wanpela bikpela pis seremoni long las wik.

10t

tasol!



10t
WRIGLEY'S
P.K.
CHEWING GUM



10t
WRIGLEY'S
**JUICY
FRUIT**
CHEWING GUM



10t
WRIGLEY'S
ARROWMINT
CHEWING GUM



hubba bubba
hubba bubba



BIGBOY
BUBBLE GUM
BIGBOY
"NAU
63%
BIKPELA
MOA!"

5t

tasol!

VISADO 1481

Siasi bungim hevi long developmen



• Papa wantaim pikinini soim Semo Komyuniti skul we ol palang na windua i bruk nabaut.

Molap i nogat wok developmen olsem liklik bisnis samting i kamap. I gat planti pis long bik-solwara. Tasol i nogat gutpela saveman bilong didiman long givim gutpela tingting long ol asples long kisim na salim long Lae o Finsafen maket.

I nogat gutpela wok wantaim ol samting bilong gaden olsem kopra, kokonas, potato na arapela moa bikos i no gat i no gat gutpela helpim long developim ol dispela samting long pulim moni samting.

Narapela hevi nau insait long Siasi Distrik em distrik seketeri bilong Siasi i no wanpela man bilong wok. I luk olsem em i nogat gutpela sapot long wok. Olsem na em i no save kamapim wan-

pela gutpela helpim liklik long ol pipel bilong Siasi distrik.

Ol pipel bilong Siasi i wok long toktok strong long gavman i mas sensim dispela distrik seketeri. Na kisim nupela man husat i gat save long helpim ol pipel long wok na developim Siasi.

Haus bilong pablik sevan, haus sik na rot insait long Molap eria i no gat gutpela luksave. I luk olsem 4-pela kris-mas olgeta Morobe gavman i no bin lukluk long Siasi distrik.

Wanpela samting we i kamap gut na ol pipel i belhevi nau em taim memba na spika bilong Tutumang, Isaac Narol stat long bringim wanpela kampani long stre-tim rot na kwiktaim tru, Primia Titi Christian i

stapim dispela wok long go het.

Ol pipel bilong Siasi nau i sanap wantaim memba Narol long bung wantaim na askim Mista Christian long wanem astingting tru, na em stapim dispela mentenens wok long rot.

Mista Narol i laik bai primia Christian i tokaut long ol lain bilong Siasi long husat i givim em tingting long stapim wok bilong rot ya. Bikos nogat bai gat bikpela protes i kamap long olgeta Siasi man-meri na pikinini pastaim long Tutumang i sindaun long harim vot i no gat bilip long primia long Desemba 6.

Mista Narol i tok em bai go long Siasi long dispela wik long tok klia long ol pipel long

protes mas. Na bringim nupela kiap long senisim olpela husat i stap long taim long ples. Na i nogat gutpela wok bilong em long pipel.

Sampela nupela sios i wok long go insait long Siasi. Tasol ol pipel i wok long toktok strong long ol yangpela na holim olgeta i stap klostu wantaim long bikpela lotu em Luteran na Katolik.

Developmen tru insait long Siasi bai no inap long kamap yet sapos ol lida na hetman long ples i bung wantaim na sapotim ol yet long wok i laik kamap long eria.

Ol yangpela tu i mas go aninit long tok bilong ol hetman. Na traim long senisim sindaun bilong ol.

ZEPH AIGAL i raitim

LONG nau olgeta hap bilong Papua Niugini i go het long wok bisnis, misin na developmen we i sensim sindaun bilong ol pipel long ples. Ol lapun manmeri i tingim yet taim ol misinari bilong Luteran na Katolik i kamap pas-taim na kirapim ples long bipo.

Wanpela lapun tumbuna i tok olsem Siassi long hapsait bilong Molap, Morobe provins i no save lukim gutpela senis i kamap. Bilong wanem i nogat wanpela lida na saveman long kirapim ples.

Planti saveman i traim long kam bek long ples long Siasi na sanap olsem provinsel na nesanel lida. Tasol ol i no bringim senis olsem pipel i laikim long i mas kamap.

Twenti yia nau, tasol Molap eria i no kisim wapela gutpela helpim i kam long nesanel gavman o Morobe provinsel gavman olsem long gutpela rot bilong didiman wok, bisnis o skul.


Bus i karamapim pinis rot na bris bilong sip long Gizarum. Na skul wok i pundaun pinis na ol pikinini i no skul gut long kamap gutpela saveman na meri long

bihain.

Tasol long hapsait bilong ailan, Mutu eria i lukim planti gutpela senis i kamap. I gat gutpela sindaun bilong ol manmeri long ples, taim ol pipel i larim Umboi Timba Inves-men na Putput Loding kampani i katim diwai na wokim rot na skul long hap.

Kampani helpim pipel long planti samting bilong helpim sindaun bilong ol olsem long wok bisnis. Sampela pipel long Mutu eria i ken lukautim gut famili bilong ol na salim ol pikinini i go kisim gutpela skul.

Tasol long hap bilong



• Olpela Luteran Sios long Gelem. Gelen bipo i gat Hal skul. Tasol nau ol senisim i go long Lablab.



• Wanpela hap rot long Tongtong we bris i bruk na bus i karamapim. Dispela em long Gisarum i go long Semo Patrol Pos, Siasi.

THERE ARE MANY ROADS TO SUCCESS... HERE ARE 60 OF THEM

And the "road map" you need is the FREE ICS Career Kit—the same Career Kit we've sent to millions of men and women all over the world. It works—and it can work for you. ICS doesn't promise you success; no legitimate educational institution does. But we DO promise that, if you mail this ad to us, we'll send you the Career Kit in the career area of your choice, without obligation, and get you started down the career road of your choice...the road that leads to success and a better life.

Please select one number only. Although you may wish to enroll in additional ICS courses later on, experience has shown that there is a far better chance for success when the student concentrates on one career area.

SEND FOR FREE FACTS—NO OBLIGATION



International Correspondence Schools, Dept. TTTC4
Box 1900, Scranton, Pennsylvania 18501-1900 U.S.A.

World's Recognized Leader in Home Study Training for More Than 100 Years.

ASSOCIATE IN SPECIALIZED BUSINESS DEGREE PROGRAMS

- 60 Business Management
- 61 Accounting
- 80 Business Management with option in Marketing
- 81 Business Management with option in Finance
- 64 Applied Computer Science
- 68 Hospitality Management

ASSOCIATE IN SPECIALIZED TECHNOLOGY DEGREE PROGRAMS

- 67 Electronics Technology
- 63 Civil Engineering Tech.
- 62 Mechanical Engineering Tech.
- 65 Electrical Engineering Tech.
- 66 Industrial Engineering Tech.

Get FREE Information—MAIL ENTIRE AD TODAY OR FAX TO 717-343-9462

Write the number of the one career that interests you _____

MR / MRS / MISS _____ AGE _____

(Please print clearly) ADDRESS _____

CITY _____ POSTAL CODE _____

COUNTRY _____ (PHONE) _____

CAREER DIPLOMA PROGRAMS

- 01 Computer Programming in BASIC
- 07 U.S. High School Diploma
- 02 Electronics
- 05 Hotel/Restaurant Management
- 13 Professional Secretary
- 35 Travel Agent
- 14 Air Conditioning & Refrigeration
- 32 Art
- 59 Catering/Gourmet Cooking
- 23 Medical Office Assistant
- 51 Fashion Merchandising
- 33 Motorcycle Repair
- 52 Surveying & Mapping
- 22 Wildlife/Forestry Conservation
- 47 Animal Care Specialist
- 260B Building Trades
- 106 General Business
- 16 Practical English
- 89 Small Engine Repair
- 50 Starting Your Own Business
- 08 Legal Assistant
- 69 Computer Programming in COBOL
- 48 Computer-Assisted Bookkeeping
- 42 Dressmaking & Design
- 87 TV/Video Repair
- 04 Auto Mechanics
- 12 Interior Decorating
- 18 Bookkeeping
- 06 Electrician
- 03 Child Day Care
- 38 Personal Computer Specialist
- 29 Police Sciences
- 10 Private Security Officer
- 09 Legal Secretary
- 55 Diesel Mechanics
- 94 Fitness & Nutrition
- 85 Drafting
- 260A Architecture
- 260C Machine Shop
- 161 Engineering
- 41 Journalism/Short Story Writing
- 40 Photography
- 70 Computer-Assisted Small Business Mgmt.
- 79 Electronics Technician
- 91 Cartooning
- 25 Firearms Repair
- 26 Teacher Aide
- 30 Floral Designer
- 27 Personal Computer Repair

Z13L



PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203
Jeffrey Maliou Ext. 216
Joe Naime Ext. 232




16th SPG Anniversary and Sandaun Show - 94 01 - 05 December, 1994

OFFICIAL PROGRAM

Day & Date	Time	Events	Time	Events	Time	Events				
THURSDAY 01 / 12 / 94	06.00 - 08.00	- WORLD AIDS DAY AWARENESS CAMPAIGN - Arrival of Participants - Decoration of vehicles - Distribution of "T" Shirts - All Participants and Health Workers Assemble at Hospital - March and Floats proceed to the main Shopping Centre via Defence Barracks, main Market and on to Shopping Centres - AIDs Awareness and Open Air Questions and Answer to be conducted at the Shopping Centre - March and Floats proceed to the main Sports Oval, Grandstand - Speeches - Drama and Singing by Youth Groups - Light Refreshments and Participant return home.	10.00 - 12.00	- School Sports and Cultural Activities	08.30 - 10.00	assemble at Vanimo Com. School and march to Grandstand - Combine Church Service and Flag Raising and speeches by: * Premier * Prime Minister, etc... - Arts, Crafts and Agriculture Display continues - Mock Battle by Defence Force. - Fun activities: Wood Chopping, 100m Race, etc... - Sky Diving Displays - Tumbuna Singing - International Soccer & Volleyball Games: Jayapura Vs Vanimo - Premier's Official Function for Invited Guest Only				
	08.00 - 09.00		12.00 - 13.00	- Lunch Break						
	09.00 - 10.00		13.00 - 16.00	- Schools Activities continue						
	10.00 - 10.30		16.00 - 19.00	- Choir and Beauty Contest for Schools.						
	10.30 - 11.00		SATURDAY 03 / 12 / 94				07.00 - 08.00	- Pick up nearby Schools: Baro, Lido and Dapu		
	11.00 - 11.30		08.00 - 09.00	- Bicycle Race			08.00 - 09.00	- Parade of Commercial Floats		
	11.30 - 12.00		09.00 - 11.00	- Flower Show Competition			09.00 - 11.00	- School's Activities continue		
	12.00 - 13.00		10.00 - 15.00	- Arts, Crafts & Agriculture Displays			10.00 - 15.00	- Live Band Performance		
	FRIDAY 02 / 12 / 94		06.00 - 07.00	- Pick up nearby Schools: Baro, Lido and Dapu - Schools Assemble at Vanimo Community School and march to Sports Oval, Grandstand - Opening Speeches: * Chairman - SPGCC * A/S - Education * Education Minister			12.00 - 13.00	- Official Opening of Sandaun Show by Hon. Bernard Narokobi Minister for Agriculture and Livestock	19.00 - 24.00	MONDAY 05 / 12 / 94 - Fun Run - Arts & Craft Display continue - Live Band Performance - Jayapura / Vanimo Games - Presentation of Prizes - Official Closing - Premier / Speaker - Transportation Back to homes
			08.00 - 09.00				13.00 - 14.00	- Boat Skiing Demonstration at Dali Beach		
09.00 - 10.00		14.00 - 16.00	- Fun Activities: Tug 'O' War, Coconut Husking etc.							
		16.00 - 19.00	- Canoe Racing at Dali Beach							
			SUNDAY 04 / 12 / 94							
			06.00 - 07.00	- Pick up nearby school: Baro, Lido & Dapu						
			08.00 - 08.30	- Schools, Discipline Forces and Scouts						

.....END OF PROGRAM.....
Christmas Greetings to all the People of Sandaun Province of P.N.G.



VISSERS ENTERPRISES PTY LTD

**HAMAMAS Wantaim Provincial Government long
16th Anniversary bilong yumi.**

Next time you're in Vanimo *look us up.*

- * Guest house
- * Vehicle hire
- * Workshop & General Merchants

Managing Director

Adrian Visser


Directors

Jeffery Visser Derek Visser John Visser

**P.O. Box 201, VANIMO. W.S.P. PNG
TELEPHONE: 87 1366/87 1009 FACSIMILE: 87 1309**

VANIMO TRADING COMPANY

Congratulates the
SANDAUN PROVINCIAL GOVERNMENT
ON THEIR 16TH ANNIVERSARY



CASH & CARRY SUPER MARKET



CLOTHING, SHOES, BAGS DEPARTMENT




GENERAL FOOD LINES




WHOLESALE DEPARTMENT



THE BAKERY DEPARTMENT



HARDWARE DEPARTMENT



FRESH LOCAL MEAT FROM THE BUTCHERY DEPARTMENT



FRESH FOOD AND VEGETABLES

WE ARE PROUD TO BE
SERVING THE PEOPLE OF SANDAUN PROVINCE FOR 15 YEARS NOW

BOUGAINVILLE


THIRSTS FOR PEACE



*GLORY TO GOD IN THE HIGHEST HEAVEN, AND PEACE
ON EARTH TO THOSE WITH WHOM HE IS PLEASED.*

(Luke 2: 14)

CATHOLIC BISHOPS CONFERENCE



RAGBI LIG

NIUS

LAE BISCUIT



Rabaul Guria bai yusim Mosbi fil long trening

RODNEY KAMUS i raitim

I LUK olsem Mosbi Ragbi Futbol Lig (PMRFL), long neks yia 1995 bai tok orait long Rabaul Guria long yusim pilai graun bilong Llyod Robson Oval iong pilai long 1995 SP Inta Siti Kap resis. Long wanem olgeta samting bilong ol long Rabaul i bagarap taim maunten i pairap.

Dispela em wanpela samting ol mausman bilong ragbi lig long kantri i bin toktok, taim ol i bung long bikpela miting bilong ol long Lae long las wik Sande.

Siaman bilong Papua Niugini Ragbi Futbol Lig Joe Keviamie i tok olsem ol i bin toktok pinis wantaim ol lain bilong PMRFL olsem ol i gen givim tok orait long ol Rabaul Guria i gen yusim pilai graun bilong ol long narapela yia long Inta Siti resis. Sapos Mosbi i tok orait long ol Gurai long yusim Llyod Robson Oval, dispela bai i ken helpim tupela sait wantaim na tu em i wanpela rot bilong kisim mani long kirapim bek ragbi lig insait long Rabaul taun.

Keviamie i tok olsem sapos olgeta samting i go gut, tupela lig senta wantai ya bai mekim gut olw ok olsem geit mani, ol seleksen bilong ol pilai na ol narapela samting i stap long sait bilong pilai ragbi.

Nau yet planti ol pilai bilong Rabaul Guria i tokaut pinis olsem ol bai go pilai long Mosbi long karim nem bilong Rabaul Guria yet long 1995 na tu sponsa bilong ol Ailens Aviasen i promis olsem em bai sapotim ol yet.

Keviamie i tok olsem ol i mekim tu toktok wantaim SP Holdings husat i save sponsorim Inta Siti pilai na Winfield husat i save sponsorim Mosbi Lig long wanem samting ol bai mekim. PNGRFL bai lukim olsem olgeta lain husat i stap long helpim ol Guria bai ino nap kros na stap amamas tasol sapos ol Guria i pilai long graun bilong ol Mosbi.

Dispela ol samting ol i toktok long miting bilong ol long Lae ya em long helpim ol lain long Rabaul long kamapim wanpela kain fan we bai helpim ol long kirapim bek ol samting bilong Ragbi Lig long Rabaul. PNGRFL i setim prais olsem ol i mas kamapim mani inap long K15,000 long statim gen ragbi lig graun long Rabaul.

14 tim kik op long Mosbi op sisen

KENNEDY EDENE i raitim

LAS wiken bikpela pilai tru i bin kamap taim Pepsi Op Sisen Ragbi Lig resis i stat long Hohola long namba wan-raun bilong pilai.

Pilai ya i stat gut tru, we planti manmeri bilong olgeta hap kona long Mosbi i kamap long lukim.

Resis bilong dispela ya i bikpela tru long ol yia i go pinis. Long wanem i gat 14 tim

olgeta i pilai. Sampela bilong ol tim ya i peim registresen bilong ol leit liklik tasol ol i go insait yet long pilai.

Ol tim ya em Poino Sharks, Tauruba, Koiari, Lealea, St Vincent, Bogi, Poreporena, Vabukori, Hohola, Waigani, Tokarara, Tatana, Manumanu na Sabama.

Hohola husat i bin sempion tim bilong las

yia i kirapim sisen ya gut tru wantaim bikpela win egensim ol nupela tim Waigani long 18-12.

Hohola i bin pilai wantaim ol olupela pilai bilong ol olsem fulbek Miki Malai, tupela fowat Henry Hahari na Weka Mai na senta Mato Ora husat i bin was gut long ol pilai bilong beklain na setim ol tupela winga Emmanuel Hui na Tau Vuisa long putim tupela trai. Oro yet i bin kiki,

tupela konvesen long surikim Hohola i go antap long skoa.

Waigani husat i go insait long pilai ino bin westim taim. Huka bilong ol Malcom Currie i go insait stret na putim wanpela trai. Dispela em namba wan trai bilong pilai.


Bihain tasol long dispela trai na ol Hohola i belhat na tanim bek wantaim tupela trai long bringim skoa bilong ol i go pas long 12-4 long hap taim.

Long namba tu hap Waigani i mekim wankain wok long ol Hohola tasol ol boi Hohola i strong moa na stopim ol long 18-12.

Long ol narapela pilai, Tauruba i winim Poimo 18-8, Lealea daunim Koiari 8-7, St. Vincent i dro wantaim Bogi 10-10, Poreporena nilim Vabukori 18-10 na Tatana i mekim-save long Tokarara 22-18.



• Jim Karl long lephan em man i go pas long kamapim Tarangau Ragbi Lig Klap (RLC) bilong Lae Winfield Lig resis. Dispela klap i gat nem nau long resis. Long solm hatwok bilong em, Lae Lig Tresera, Gavin Ross givim awod olsem Karl i kamap lalp memba nau bilong Tarangau RLC.



• Wanpela yangpela pilai bilong klap kism awod olsem top junia pilai bilong 1994 sisen. Presentesen i bin kamap long Mambu Taven long Sarere Novemba 19.

AUBANA OFF SEASON RUGBY FOOTBALL LEAGUE

Draw
Pre-liminary Final

Round: 4	Game: 1	Date: 4/12/94
'C' Grade	Teams Vs Teams	
Time		
11.00am-11.20am	Birox vs Eels	
11.20am-11.40am	NCBS vs Kufuns	
	Blues on Bye	
'B' Grade		
11.40am-12.40pm	Blues vs Kufuns	
12.40pm-1.40pm	Ufex vs NCBS	
	Eels on Bye	
'A' Grade		
1.40pm-2.40pm	Eels vs Blues	
2.40pm-3.40pm	Kufuns vs Ufex	
	NCB on Bye	

PEPSI OFF-SEASON RUGBY LEAGUE

DRAW - 1994/95

Round one: Sunday 04/12/94

Venue: Hohola

Time	Teams	Teams
9.00am	Opongo vs Maria	
10.07am	Hohola vs Tokarara	
11.10am	Koiari vs Sabama	
12.13pm	Manumanu vs Poimo	
13.16pm	Poreporena vs St Vincent	
14.19pm	Tauruba vs Lealea	
15.22pm	Bogi vs Vabukori	
16.25pm	Waigani vs Tatana	

SOGERI VALLEY RUGBY LEAGUE DRAW

Sunday December 4, 1994.

Reserve Grade

Time	Teams	Vs	Teams	Umpires
9.30am	K.K. United	vs	Ilimo Keras	Andrew
10.15am	S/Roots	vs	Tano Bro's	Andrew S
11.00am	H/Canning	vs	K/Raiders	Jerry M
A Grade				
12.30pm	K.K. United	vs	Ilimo Keras	Andrew S
1.35pm	S/Roots	vs	Tano Bro's	D. Hagen
2.45pm	H/Canning	vs	K/Raiders	J. Martin
Last Weekend Results				
A Grade				
Sogeri Roots 14	def	Kenage Raiders 13		
Hugo Canning 28	def	Tano Brothers 10		
Ilimo Keras 24	def	Raoho Sproos 12		

PNGRFL oraitim nupela kain resis long 1995

PAPUA Niugini Ragbi Futbol Lig (PNGRFL) i tok orait pinis long wanpela ripot em ol i kolim Plening Komiti Ripot bilong 1995 Sisen we ol bai senisim sampela kain resis long mekim ragbi lig i go bikpela moa insait long kantri.

Na dispela em long mekim bai ol ol liklik lig senta husat i resis long rijon bilong ol yet bai painim wina bilong ol pastaim bihain bai

kamap long dispela bikpela nesanel ragbi lig sempionsip, em ol bai holim long neks yia.

Rot bilong ol we ol bai mekim dispela pilai i kamap bikpela em olgeta ol lig senta long PNG bai PNGRFL bai bungim ol i go insait long 8-pela grup olgeta we ol i ken salensim ol yet long mak bilong ol yet.

Insait long dispela 8-pela grup nau ol bai pilai long ol raun bilong

ol yet na painim wanem liklik senta i sempion.

Dispela senta husat i kamap sempion bai kamap wantaim ol narapela sempion bilong ol narapela sempion tim bilong ol 8-pela grup ya na ol bai pilai long Nesanel Sempionsip we bai kamap long olgeta mun Julai.

SP Inta resis bai stat long May na go olgeta inap long Septemba.

Tasol bai i gat wanpela wik long Julai em ol bai ino nap pilai. Long dispela wik em ol bai givim spes long ol senta long pilai long nesanel sempionsip.

Ol narapela samting tu em ol i redim long mekim long neks yia em PNG bai holim wanpela pilai wantaim ol Niu Saut Wels kombain katolik skul we ol sumatin long hap bai kam pilai wantaim ol junia divisen.

**Salim Krismas Gritings bilong yu long
WANTOK long dispela hap pepa:**



**WANTOK (Word Publishing Co Pty Ltd)
PO Box 1982, Boroko, NCD**

o kisim i kam long:

**WANTOK (Word Publishing Co Pty Ltd)
Spring Garden Road, Hohola, NCD
o Lae Opis-Suit 7, Haus Tisa, Second Street, Lae
P.O. Box 615 Lae, Morobe Province.**

**Karim dispela hap pepa wantaim moni bilong yu long WANTOK opis long Mosbi long
5 kilok Tunde 12 Disemba.
Na long Lae Opis long 5 kilok long Fraide 8 Disemba.**



**Putim poto
bilong yu hia**

*Long Fonde Disemba 15, **WANTOK** bai putim
Krismas Gritings long manmeri bilong **WANTOK**
Yu ken salim gritings bilong yu long toksave olsem
long pes 30*

**Yusim dispela fom long
WANTOK spesel prais.**

Wanpela boks, K15, o wantaim poto em K22

Tupela boks, K28, o wantaim poto em K36

Foapela boks, K50, o wantaim poto em K59.

**Putim Krismas Gritings bilong
yu long dispela boks.**

**Sapos yu laik putim poto, klipim antap long
het bilong dispela fom.**

Putim nem na adress long hia.

Putim nem hia.

Putim adress long hia


Sainim fom daunbilo

Plis putim dispela gritings toksave long WANTOK niuspepa long 15 Disemba. Mi
klia olsem ol poto mi salim bai mi no inap kisim bek. Mi orait long Word Publishing
Co Pty Ltd bai i no inap karim hevi bilong wanem asua o ol hap toktok we i no
kamap klia long taim masin i printim.

Sain long hia

Large empty rectangular area with horizontal lines for writing.

**Putim sek o Salim Moni
Kwik fom hia Salim long
nem bilong WANTOK
Niuspepa o givim moni
stret long Mosbi o Lae Opis.**



Salim Krismas

griting i go long ol lewa!!

Krismas hereadaena ai emai amo evasimu.
Word Publishing

Amamas long Krismas
igo long Marge na Febs!
I kam long ol wok man-meri bilong Wan wok long Word Publishing!
Gut Lak!!



Dispela spes em K15 tasol-Wantaim poto em K22.

Ritim
toksave long we bilong salim Krismas Griting i go


Amamas long Krismas
igo long **Big Joe Dadi!**
Please Dadi Don't get drunk this Krismas!
Mum & Klds.



Dispela spes em K28 tasol-Wantaim poto em K35.

long ol wantok o ol swit lewa bilong yu long narapela ples.

Big Brata
Amamas long Krismas
i kam long Brata bilong yu



Dispela spes em K50 tasol-Wantaim poto em K57.

Meri Krismas & Mahai Velo i kam long Ples!
Mipela i misim yutupela hia long ples....Plis kam na yumi krismas wantaim! Tumbuna man na meri.



Gutpela sans long salim ol krismas griting i go long ol lewa bilong yu i stap long wanem hap long kantri! Hariap, Salim nau!!

Gren fainal long Kimbe

YAKAM KELO I raitim

KIMBE Soka Asosiesen (KSA) bai kirapim bikipela paia long dispela wiken taim olgeta divisen i go insait long gren fainel bilong dispela yia. Primia 1 divisen tasol bai pilaim semi fainel bilong em bikos long ol nesanel sempionsip we i wok long holim ol pilai

bilong primia divisen. Presiden bilong KSA, Augustine Moa i tok olgeta divisen i redi nau long pilaim gren fainel bilong ol. Ol i wok long holim bikipela trening i stap long trening kem bilong ol. Kimbe em wanpela soka senta we soka em wanpela bikipela

gem we i save pulim tru planti manmeri long pilai na tu i go sindaun na lukim.

Long semi fainel bilong primia 1; Tulako bai baungim biknem Saut Kos husat bin go pilai long las wiken insait long nesanel klap sempionsip long Lae. Wina bilong Saut Kos wantaim Tulako bai go wetim gren fainel na lusa bai traim wina

bilong Leki na Aria-vanu.

Long gren fainel resis bilong primia 2 divisen; ol marasin boi bilong Medics bai bungim Saut Kos long dispela wiken. Sapos marasin, bilong Medics i gat kik bai ol i ken bagarapim sindaun bilong Saut Kos.

Long Anda 17 gren fainel; ol yangpela dokta boi bilong

Medics bai traim strong bilong ol long autim tiket bilong Tulako long dispela wiken. Tasol Tulako i gat nem long ol gutpela na stail soka gem bilong ol olsem na Medics i mas was gut.

Long wimens gren fainel; ol susa bilong Saut Kos bai mekim save wantaim Leki long painim sempion bilong dispela yia long


Kimbe soka resis.

Tupela tim wantaim i gat wankain strong na stail tasol husat tim i mekim abrusim ol asua long pilai graun bai winim dispela gem.

Primia 1 gren fainel bai kamap long narapela wik samting bikos KSA i wok long salim sinia skwat bilong ol man i go long nesanel sempionsip long Madang na tu long nesanel klap semp-

onsip long Lae. Long dispela as, primia resis i wok long ron bihain.

Dispela wiken bai pilai graun i paia stret bikos ol tim bai i kam wantaim ol sapota bilong ol long ples na tu long taun long sapotim ol tim bilong ol. Resis tu bai i go strong tru bikos dispela em gren fainel na olgeta tim bai pilai strong tru long winim dispela gem.



• (antap) Kas ya i was gut tru long han bilong pitsa olsem na em givim stret long bal taim pitsa i tromol kam long em. Stall-bilong ol meri Mosbi long sofbal.

• (lephan) Kas no gut i apim bet pinis long wipim bal taim pitsa i tromol i kam. Dispela em sofbal stall bilong ol Malagan tim long Mosbi long las wiken.

**PORT MORESBY SOFTBALL ASSOC
1994/95 SEASON Round one
Date: 03/12/94**

TIME	DIAMOND ONE	GRADE
09.00	Tarangau 1 vs Fujitsu 11	A/R
10.30	Norths 11 vs UPNG 11	C
12.00	Royals 1 vs Fujitsu 1	A
13.30	Wantoks 1 vs Gazelle 1	A
15.00	Yokomo 1 vs Mazda 1	A
16.30	Malangan 1 vs Karanas 1	A

TIME	DIAMOND TWO	GRADE
10.30	G/Country 11 vs PNGBC 11	C
12.00	I/Karanas 11 vs Dolphins 11	C
13.30	Lotto Stars 11 vs PNGBC 1	B
15.00	Admiralty 1 vs Dolphins 11	B
16.30	Wantoks 11 vs Gazelle 11	B

TIME	DIAMOND THREE	GRADE
09.00	Yokomo 11 vs Exodus 11	B
10.30	Admiralty 11 vs Lotto Stars	B
12.00	Chebu 1 vs Mazda Carps	A/R
13.30	Malangan 11 vs UPNG 1	A/R
15.00	Norths 1 vs Royals 11	A/R
16.30	G/Country 1 vs Elcom 1	A/R

BYE:	GRADE
Lotto	A
Pomtech	C

**PORT MORESBY MEN'S SOFTBALL
ASSOCIATION 1994/95 SEASON
Sunday December 4 1994**

Diamond 1				
Time	Grade	Teams		
09.00	C	PNGBC	vs	Admiralty
10.30	A	Elcom	vs	Tigers
12.00	A	Gazelle	vs	Hawks
01.30	A	Manolos	vs	MSC
03.00	A	Malagan	vs	NGI Taubar
Diamond 2				
09.00				
10.30	C	Malagan	vs	Dolphins
12.00	B	Malagan	vs	NGI Taubar
01.30	B	Elcom	vs	Dolphins
03.00	B	Gazelle	vs	Hawks
Diamond 3				
09.00				
10.30	C	Manolos	vs	MSC
12.00	C	B/Raiders	vs	Karanas
01.30	B	PNGBC	vs	Bears
03.00	B	H/Bay	vs	Karanas

Straika Jovosa helpim Kaks autim Kapit

SAMUEL BASIM I raitim

KAKS i autim tiket bilong Kapit long wanpela gol tasol bihain long straika, Bready Jovosa i straikim golmak bilong Kapit wantaim dispela gol long gren fainel resis bilong Popondeta long las wiken.

Tupela tim wantaim i kamapim gutpela gem tru long las wiken insait long gren fainel resis ya we planti gutpela kik i kamap na mekim ol sapota i singaut na kalap long sait lain.

Golkipa bilong Kaks i bin kism nem megnet taim em i sevlm 4-pela gutpela gol bilong Kapit na dispela i kirapim tingting na pawa bilong Kaks long pilai strong na winim dispela gren fainel bilong 1994.

Long primia risev gren fainel; Kaks i winim Kapit na long Divisen 1, Sopea i autim tiket bilong Wairope wantaim 2-1 skoa.

Long wimens divisen; ol meri Kumusi Tredasi bagarapim sindaun bilong ol Name susa wantaim 3-0 skoa long fultaim. Kumusi i nau kwim bilong ol meri long Popondeta soka resis long dispela yia.

Bihain tasol long gren fainel bilong olgeta divisen i pinis, i bin gat pait namel long ol sapota bilong arapela tim husat i bin lus long gem. Ol i brukim ol tropi na sil nambaut na tu bagarapim tresera bilong Popondeta Soka Asosiesen; Kenny Upaiga husat i bilong Garaina long Morobe provins.

Vais Presiden bilong PSA, Samuel Basim husat i stap nau

long Mosbi long sampela wok bilong em i go lukim PNGFA long dispela wik na givim dispela ripot bilong PSA.

Samuel i tok dispela hevi bilong pait i kamap long pilai i no nupela samting long Popondeta soka.

Tasol seketeri bilong PNGFA, Don Sigamata i askim Samuel long wok klostu wantaim PSA gen long neks ya bikos PNGFA i gat tingting long holim PNGFA sempionsip long ol kain senta olsem Popondeta long neks ya.

Don i tok kain ples olsem Popondeta i gat sampela gutpela pilaia husat inap mekim nem long PNG trening skwat. Olsem na ol opisel i mas wok bung wantaim Provinsel Spot Kodineta na kirapim gut soka insait long provins.

ZEPH AIGAL I raitim

MOLAP Spot Asosiesen insait long Siasi Distrik, Morobe provins i no gat gutpela lo bilong banisim interes bilong spot long kamap na pinis gut. I no gat strongpela lo i banisim pilai we ol eksekutiv na pilaia i ken bihainim long holim gut pilai.

Dispela hevi i kamap ples klia taim bikipela soka gren fainel namel long A gret tim bilong Omom Brothers na Barim Dolphins long las wiken i no bin kamap gut. Bikos long pait em ol sapota bilong Dolphins i kirapim pait na bagarapim pilai.

Pait stapim Molap spot resis

Ol sapota bilong Dolphins i go insait long pilai graun na paitim ol pilaia bilong Brothers bikos long wanpela disisen bilong referi em i mekim long pilai.

Insait long dispela gem, Omom Brothers i bin go pas long skoa egens Dolphins long 2-1 skoa.

Wanpela sapota husat i givim dispela stori long Wantok i tok i luk olsem bai eksekutiv i givim prais i go long Brothers long winim 1994 Kap na tu bai Dolphins i no inap long kam bek pilai gen long neks ya.

Em i tok dispela lain tasol i kamapim birua long taim dispela pilai i bin kamap nambawan taim long gren fainel


olsem na opisel bilong Molap Spot Asosiesen i no ken givim narapela sans gen long tim bilong Dolphins.

Long B gret basketbal resis bilong ol meri; Omom Sista i winim Barang Turungai long 16-11 basket long fultaim na winim taitel bilong ol meri.

Omom Sista i karim dispela tropi i go long ples bilong ol.

Na long A gret basketbal resis bilong ol meri; Turungai i nekim gut Barim Dolphins 20-13 basket long fultaim na karim sil i go.

Long soka bilong ol man long B gret, Gasam Guria i autim tiket bilong Barang Yunaitet 3-1 na kism sil i go long Gasam viles.

FRENCHBAKEHAUS

• CAKES
 Weddings & Birthdays
 Our speciality
25 1266 Pom
42 5349 Lae

FRENCHBAKEHAUS

• CAKES
 Weddings & Birthdays
 Our speciality
25 1266 Pom
42 5349 Lae

PROVINSAL SOKA NIUS

BRISBANE JUNIOR BASKETBALL TOUR TO PNG 7th - 17th December 1994

Date	Time	Activities	Venue	Leader
7/12		Arrival NCDC Youth Cultural dance welcome visitors	PX Termi	P Committee
8/12	0900	Brisbane vs D/Bosco	D/Bosco	P Committee
	1200	Brisbane vs Pom Inter	Pom Inter	P Committee
9/12	0900	Brisbane vs Gordons	Gordons	P Committee
	1400	Brisbane vs Badihagwa	Badihagwa	P Committee
10/12	0900	Brisbane vs NCDBL	Hohola	P Committee
11/12	0900	Party Excursion	Varirata Pk	P Committee
12/12	0900	Brisbane vs NCDC 1	Hohola	P Committee
	1300	Brisbane vs NCDC 2	Gerehu	P Committee
13/12	0900	Visit to National Museum National Parliament haus NCDC Botanical Garden		P Committee
14/12		Family arrangement		P Committee
15/12	0830	Sir 'J' Cup play off presentation	PNGSC Ind. Sport Complex	P Committee
16/12		Free		
17/12		Departure		

PNG AMATEUR WEIGHT LIFTING ASSOCIATION 1995-1996 Weightlifting/Powerlifting Calendar

March 1995: 6-9
 Pre National Championships training camp, Mt Hagen = Olympic/Power
 11: 18th National Championships = Olympic Lift, Mt Hagen
 12: 18th National Championships = Powerlifting, Mt Hagen

April 17 - May 4
 Training camp: lead up preparation to Arafura Sports Festival and Oceania South Pacific Weightlifting Championships = Darwin

June 11 - August 10
 Weightlifting/Powerlifting go into pre games training camp after Pom Show in preparation for South Pacific Games = TLC Gym, Pom

August 12 - 26
 Weightlifting/Powerlifting as part of PNG contingency participating in the 10 South Pacific Games = Papeete, Tahiti.

Tentative dates subject to confirmations
 Australian National Powerlifting championships

Oceania Powerlifting champions

1996
 Oceania South Pacific Weightlifting championships
 Oceania Powerlifting championships
 Atlanta Olympic Games
 Australian National Powerlifting championships

October 21-24
 Pre National Championships Training Camp = TLC Gym.
 Olympic/Power
 26: 19th National Championships = Weightlifting, TLC Gym, Pom
 27: 19th National Championships = Powerlifting, TLC Gym, Pom
 (30h anniversary = October 1966 - October - 1996)

KOURA WAY TOUCH FOOTY COMPLETION ASSOCIATION DRAW

Progressive Points Ladder "A" Grade							
Clubs	P	W	D	L	For	Against	Points
Eels	5	4	1	1	16	9	9
Steelers	5	3	1	1	26	11	7
Broncos	5	3	-	2	26	32	6
Rabbitohs	5	3	-	2	29	30	6
Spiders	5	2	-	3	35	28	4
Panthers	5	2	-	3	22	34	4
Bears	5	1	-	4	19	32	2
Tigers	5	1	-	4	20	19	2

"B" Grade							
Clubs	P	W	D	L	For	Against	Points
Bears	5	2	1	2	31	8	4
Rabbitohs	5	3	-	2	14	16	6
Steelers	5	2	-	3	22	22	4
Tigers	5	3	1	1	13	11	7
Panthers	5	3	1	1	21	17	7
Broncos	5	2	-	3	18	29	4
Eels	5	3	-	2	12	11	6
Spiders	5	2	1	2	17	33	3

HOHOLA 4 INTER 7s TOUCH SATURDAY NOVEMBER 3 1994

TIME	Match
1.00	Knights vs Bulldogs
2.00	South vs Tigers
3.00	Raiders vs Norths
4.00	Panthers vs West

Bye Eels
SUNDAY 04/12/94

TIME	Match
1.00	Knights vs Bulldogs
2.00	South vs Tigers
3.00	Raiders vs Norths
4.00	Panthers vs West

Bye Eels

Askim long spot mani go stret long kaunsil

MUMENG Spot Kaunsil i laikim bai ol helpim moni bilong gavman i kam long helpim spot i mas go stret long ol spot kaunsil, na i no ken pas na stap wantaim distrik seketeri.

Presiden bilong Mumeng Spot Kaunsil, Leo Penny i tok i no gutpela long moni bilong spot i pas na stap long opis bilong distrik seketeri. Bikos ol kaunsil i gat ol plen na program bilong ol long mekim wok wantaim moni.

Taim moni stap tasol long han bilong distrik seketeri long holim na skelim, ol program na plen bilong kirapim ol wok bilong spot insait long wanwan lokel asosiesen, distrik

pela i no save kirapim tru wok developmen bilong spot, Leo i tok.

Leo i tok wok bilong givim aut distrik spot fan i mas go aut long han bilong spot kaunsil we ol yet i ken yusim long wok bilong ol na givim rekot long wok bilong ol long distrik seketeri sapos ol i laik save moni i go long wanem kain wok.

Leo i tok Mumeng i no save kamapim wanpela gutpela developmen bilong spot planti taim i kam bikos spot fan i no save go stret long wok bilong em. Olsem spot fan i mas go long spot kaunsil we wok bilong ol em long lukluk insait stret long wok bilong spot

long Mumeng distrik.

Presiden i tok Mumeng Spot Kaunsil i laikim bai distrik seketeri i toktok klia wantaim ol long dispela eria bilong spot insait long distrik. Tok klia bilong em i ken mekim ol yangpela na spot kaunsil tu i gat bikpela amamas.

Long dispela wik, Mumeng Spot Kaunsil i holim wanpela kos bilong ol referi na kosa. Kos ya i stat long 28 Novemba na bai pinis long 2 Disemba.

Spot Kaunsil i askim ol yangpela insait long wanwan asosiesen olsem long: Wagau, Mapos, Mumeng Stesin, Samsam, Midel Watu

na Timze asosiesen long kamap long dispela kos na lainim ol samting.

Spot Kaunsil i lukluk nau long strongim gut nupela asosiesen bilong Timze long neks ya wantaim gutpela pilai graun na ol samting bilong pilai. Ol i mekim askim i go long papa bilong graun long oraitim wanpela graun bilong ol long ol yangpela i ken yusim long pilai spot.

Spot Kaunsil i lukluk olsem insait long dispela hap, i gat planti hevi bilong lo na oda we ol yangpela i mekim planti trabel tumas. Olsem na Spot Kaunsil i laikim bai wok bilong spot i mas go strong insait long kirapim Timze spot asosiesen long neks ya.

Kas bilong Buka meri long sofbal



STORI BILONG PILAIA:
FEBRONIA GIAWIE
 i raltim

Nem: Stella Cheung
Krismas: 27
De mama karim yu: Julai 9, 1967.

Posisen: Autofilda
Go long wanem skol: Sen Mary's Hai skol, Bogenvil.
Feveret kaikai: Sosis
Feveret loliwara: Coke
Feveret radio stesin: FM (Radio Kalang)
Feveret singa: Brian Adams
Feveret muvi ekta: Julia Roberts
Yu save mangalim wanem man: Tom Cruise (muvi ekta)
Laikim wanem kain musik: Rok n Rol
Feveret TV Program: Sixty Minutes
Feveret ovasis pilaia: Billy Moore, husat i save pilai olsem lok bilong Nots Ragbi Lig klap bilong Sidni Winfield Lig, Australia. Em i wanpela memba tu bilong Kwinlsten Maruns tim long strongpela Stet ov Orijin resis.
Feveret ovasis klap: Brisbane Broncos Ragbi Lig klap bilong Sidni Winfield Lig resis, Australia.

Yu laik maritim wanem kain man: Em i mas luk nais, longpela, na gat planti hasel. Hobis: Harim musik na klinim haus
Ol samting yu save laik mekim long fri taim: Klinim haus, wok long plaua gaden, lukim TV na ritim buk.
Wanem arapela spot yu laik pilai: Basketball na volibal
Ka yu laikim: Honda Pre-ludge
Bai yu laik mekim wanem sapos yu winim Gold Lotto: Go raun long olgeta kantri long wol
Wanem samting yu save laikim long mekim oltaim: Bungim ol pipel
Yu no laikim wanem samting: Bagarapim ol bus graun na solwara wantaim abus antap long ol.
Wanem samting yu mekim oltaim we i no gutpela: Kaikai pinga nil long tit.

Ol boi POSF nekim Hom Afeas na Yut

POSF i soim tru strong bilong ol taim ol i nekim Hom Afeas na Yut 1-0 long Mosbi Pablik Sevans soka resis las wiken.

POSF i kamapim bikpela na strongpela gem tru long winim dispela gem wantaim wanpis skoa em Lesley Baiyagao i bin kamap long 5 minit bilong nambawan hap long gem.

Dispela gol i bin kamap taim tupela tim wantaim i no redi gut yet long pilai na i wok

long kikim bal i go i kam long painim spes bilong setim ol iowet na midfil.

Tasol POSF i glasim pinis dispela stail bilong pilai olsem na em i kwitaim bomim nambawan gol bilong ol na opim ai bilong ol pilaia bilong Hom Afeas.

Dispela gol i sikrapim skin bilong Hom Afeas na skoa olsem na ol straika i kirap mekim ol bikpela ron na kik long golmak bilong POSF.

Straika, Tim Gavot i mekim planti gutpela

ron i go insait long mak bilong POSF. Tasol ol kik bilong em i wok long abrusim golmak na go ausait. Wanpela penalti kik bilong Tim Gavot tu i no go insait bikos golkipa bilong POSF, Paul Isora i gat longpela han na i sevim dispela penalti gol bilong Hom Afeas.

Malan, Jimmy na John Mogi tu i pilai strong tru long banisim mak bilong Hom Afeas inap hap taim bilong pilai.

Long namba tu hap

bilong pilai, Lesley Bayagao i wokim sampela gutpela salens long beklain bilong Hom Afeas tasol banis i bin strong pinis bikos kosa, Scot Vavine i bin givim tok stia pinis long ol long abrusim gen kain asua ol i mekim long nambawan hap na POSF i bin skoa.

Planti gutpela sans bilong Hom Afeas long skoa i no kamap bikos Tim Gavot i save straika longwe na hariap tumas. Olsem na planti kik bilong em i save abrusim golmak na go antap na tu i go long sait.

PTC tu i bin givim gutpela skol long Edukesen long las wiken wantaim 1-0 skoa. Edukesen i salim wanpela gutpela na strongpela tim tru i go na pretim golmak bilong PTC.

Tasol PTC i winim dispela wantaim gutpela wok poroman bilong Gabriel Rooney, Lussel Pui, Raymond Nasa na Francis




•(Antap) Wanpela soka tim bilong Kimbe i sanap redi long pilai long wanpela mein gem long dispela yia.



• (raithan) Susa ya i apim bal i go antap na i redi long tro-moi long ring long Mosbi Pablik Sevans netbal resis las wiken.

• (namel) Fulbek bilong Transport i pulim bal i go antap na bungim biura bilong em i sanap klostu long las wiken.



• Lido soka tim bilong Vanimo i sanap long poto i redi long pilaim gren fainel bilong ol long las wiken insait long Vanimo soka resis. Poto WINIS MAP




• (antap) Em stail bilong meri Transport insait long Mosbi Pablik Sevans soka resis long las wik Sande long Bisini soka graun. Lukaut long ol meri Transport bikos stail bilong ol i wok long kamap narakain.

• Wanpela tim bilong Vanimo i redi long pilai long wiken. Vanimo soka i wok long kirapim pala yet long redim tim bilong go kik resis wa ntaim soka tim bilong Irian Jaya long neks yia. Vanimo i redi nau long bekim dinau egens ol tim bilong Indonesia.



WANTOK SPOTS




STORI BILONG PILAIA:

FREDERICA E. SIWIN
i raitim

**Stail
meri ya
bai pilai
yet long
stap fit**

Ful nem: Agnella Merylyne Krewanty
Niknem: Romano
De mama karim yu: Julai 15, 1973.
Krismas: 21
Opis wok: Postal opisa
Tim: PTC
Resis: Mosbi Pablik Sevan soka
Posisen: Straika
Sta sain: Kensa
Ples mama karim yu: Vanimo, Sandaun provins.
Longpela: 170 sentimita
Hevi: 56 kilogrem
Feveret spot tim: POM Difens Ragbi Lig Klap.
Bikos bikipela brata, Arnold i pilai long dispela tim.
Feveret kaikai: Kainkain kaikai bilong solwara.
Feveret lolliwara: Orchy
Feveret hap bilong go amamas: Konvensen senta, Islander Hotel.
Feveret samting bilong mekim long malolaltaim: Slip na harim musik.
Laikim: Mekim pani wantaim ol pren.
I no laikim: Ol ovasis pipel husat i yusim bus graun wantaim solwara bilong mipela long mekim kwik mani bilong ol yet.
Bikpela de long laip bilong yu: Winim 1994 gren fainal egens ol meri Yunivesiti.
Feveret soka pilala: Ikanau Matangiau (PNG)
Driman: Bai pilai yet long stap fit.



Gavman givim K500,000 pinis long salim PNG tim long Tahiti SP Gems

**Tasol askim i go long ol
praivet bisnis
long givim narapela
K500,000 helpim**

YAKAM KELO i raitim

NESENEL Gavman bai redi long givim K500,000 long helpim 300 manmeri husat bai makim Papua Niugini long namba 10 Saut Pasifik Gems long Tahiti neks yia. Minista bilong Hom Afeas na Yut, Nakikus Konga i tokaut long dispela long las wik Fonde. Em i tok gavman bai stap wantaim dispela skwat husat bai makim kantri insait long SP Gems long Tahiti. Gavman bai lukim olsem dispela tim i gat moni olsem K1 milion long go insait long dispela bikpela pilai. Mista Konga i tokim tu planti arapela bisnis na bosman bilong ol kampani olsem gavman i laikim long ol kampani na bisnis i mas givim narapela K500,000 long bungim wantaim K500,000 bilong gavman. Dispela i ken kamap olsem K1 milion, we i ken salim ol manmeri i go long Tahiti.

Papua Niugini Spot Komisin i pulim pinis K500,000 long sponsa

bilong ol kampani olsem Shell na SP Holdings. Arapela moni i kam tu long bikpela resis bilong SP Fun Run we ol manmeri i bin ron insait long las mun insait long planti hap bilong ol provins long PNG.

Dispela Pepsi Fun Run resis i pulim moa long K100,000 long ol singles ol manmeri i bin

baim na putim. Na dispela moni tu bai go long helpim bilong salim PNG etletik tim i go long Tahiti.

Las wik, Siaman bilong PNG Spot Federesen, Sir Henry ToRobert i tok bai gat 300 manmeri makim PNG long pilai insait long wanwan pilai spot long Tahiti. Spot Komisin i bilip ol

bai bungim inap moni bilong redim PNG tim. Wantaim sapot na helpim we i wok long kapsait i kam nau i gutpela. Na PNG Spot Komisin inap abrusim K1 milion mak em Minista Konga i lukluk long en.

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.



Ol bosim Unagi lig · Gordon Ridge A gret tim bilong Unagi op slsen. ragbi lig resis long Mosbi. Ol i go pas nau long poin lata bilong resis. Foto: Joe Kanekane.

PUBLIC SERVANTS SOCCER ASSOCIATION

Weekend draws: Week No. 4
Saturday 03.12.94 - Bisini Groups

Times	Div 1	Fixtures	Ground
8.00	M	NPF vs IRC	G11
9.10	W	NPF vs IRC	G1
10.00	M	POSF vs University	G1
11.10	W	POSF vs University	G1
12.00	M	Teachers vs Education	G1
1.10	W	Teachers vs Education	G1
2.00	W	PTC vs PNGBC	G1
2.50	M	PTC vs PNGBC	G1
4.00	W	Hay vs Works	G1
4.50	M	Hay vs Works	G1

DIVISION 2

8.00	M	NBC vs Transport	G2
9.10	W	NBC vs Transport	G2
10.00	M	Deced vs CMB	G2
11.10	W	Deced vs CMB	G2
12.00	M	Air Niugini vs NCDC	G2
1.10	W	Air Niugini vs NCDC	G2
2.00	M	Prime Minister vs BPNG	G2
2.50	W	Prime Minister vs BPNG	G2
4.00	M	DCA vs Invest Corp	G2
4.50	W	DCA vs Invest Corp	G2

Byes: A/General M1/W1 - Saturday
Finance Ms/W2 - Saturday

Sunday 04th December, 1994

8.00	M	NCDC vs CMB	G1
9.10	W	NCDC vs CMB	G1
10.00	M	Air Niugini vs Finance	G1
11.10	W	Air Niugini vs Finance	G1
12.00	M	BPNG vs NBC	G1
1.10	W	BPNG vs NBC	G1
2.00	W	Prime Minister vs Invest Corp	G1
2.50	M	Prime Minister vs Invest Corp	G1
4.00	W	Transport vs DCA	G1
4.50	M	Transport vs DCA	G1

DIVISION 1

8.00	W	Education vs University	G2
9.10	M	Education vs University	G2
10.00	W	Teachers vs A/General	G2
11.10	M	Teachers vs A/General	G2
12.00	W	PNGBC vs NPF	G2
1.10	M	PNGBC vs NPF	G2
2.00	W	IRC vs Hay	G2
2.50	M	IRC vs Hay	G2
4.00	W	Works vs PTC	G2
4.50	M	Works vs PTC	G2

Bye: Deced M2/Ws - Sunday
POSF M1/W1 - Sunday

Progressive Points: Division Men One

Teams	GP	GW	GD	GL	GF	GA	Points
Works	5	5	-	-	10	2	15
PTC	5	3	2	-	10	2	12
University	6	4	-	2	11	5	12
Education	6	3	1	2	9	5	11
A General	6	3	1	2	4	4	10
POSF	6	2	2	2	6	5	8
Teachers	6	2	1	3	8	9	8
ERC	5	1	3	1	3	3	7
PNGBC	5	1	-	4	3	8	3
Hay	5	1	-	4	2	9	3
NPF	5	-	-	5	3	13	0

Progressive Points: Division Women One

University	6	5	-	-	18	1	17
Education	6	3	3	-	7	1	13
PTC	5	4	-	1	8	1	12
IRC	5	1	4	-	7	5	11
Works	5	2	2	1	4	3	8
POSF	6	1	3	2	1	3	6
Teachers	6	1	2	3	4	7	6
A General	6	1	2	3	4	9	6
NPF	5	1	2	2	2	6	5
Hay	5	1	1	3	2	10	4
PNGBC	5	-	2	3	-	9	2

Progressive Points: Division Men Two

CMB	6	5	-	1	11	5	15
Finance	6	3	2	1	14	5	12
Deced	6	4	-	2	16	8	12
Air Niugini	6	3	2	1	7	2	12
Transport	5	3	1	1	11	3	11
ICPNG	5	1	3	1	6	6	7
BPNG	5	2	-	3	3	8	6
P/Minister	5	1	1	3	5	9	5
NBC	5	1	1	3	6	12	5
NCDC	6	-	2	4	4	13	4
DCA	5	1	-	4	3	10	3

Progressive Points: Division Women Two

Transport	5	3	2	-	5	-	11
DCA	5	2	3	-	3	-	11
P/Minister	5	3	1	1	6	2	10
BPNG	5	2	3	-	4	1	10
CMB	6	2	3	1	5	3	10
NBC	5	3	1	2	3	3	7
Air Niugini	6	1	4	1	2	1	6
BPNG	6	1	2	3	2	2	6
Finance	6	1	2	3	2	5	6
Deced	6	1	2	3	2	4	5
NCDC	6	-	1	5	1	12	2

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.